


T693/1334

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

Harvard College Library Imaging Services <http://imaging.harvard.edu>



本報刊例每季之十...

本報刊例每季之十...

本報刊例每季之十...

本報刊例每季之十...

本報刊例每季之十...

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 15 1940

春秋列國論卷之十目錄

陳

桓公陳佗厲公莊公宣公穆公共公靈公成公

論

哀公論

惠公懷公閔公論

右論三則

哈佛大學
圖書館
珍藏
印

春秋列國論卷之十目錄

春秋列國論卷十

明婁東張溥西銘父著

陳

媯姓侯爵出自帝舜之後堯妻舜二女賜姓姚周以前為姚姓傳曰虞思妻之以二姚是也禹封舜子商均於虞城地屬應天府其後商封於遂濟州鉅野是也裔孫闕父為周武王陶正能利器用王賴之以元女大姬下嫁其子滿而封諸陳賜姓媯因舜居媯水也使奉舜祀其地在大皞之墟陳州治宛丘縣是也滿謚胡公胡公卒子申公犀侯立

哈佛大學漢和圖書館珍藏印

申公卒弟相公臯羊立相公卒申公子孝公突立
孝公卒子慎公圉戎立慎公卒子幽公寧立二十
三年卒子釐公孝立三十六年卒子武公靈立十
五年卒弟平公燮立二十三年卒子文公圉立十
年卒子桓公鮑立二十三年入春秋後閔公二十
一年獲麟後三年楚惠王使公孫朝滅之

桓公

名鮑文公子二十三年入春秋桓五年卒在位三十八年謚法辟土服遠曰桓

隱四

夏宋公陳侯蔡人衛人伐鄭

秋暈帥師會宋

公陳侯蔡人衛人伐鄭

年六

左傳

五月庚申鄭伯侵陳大獲往歲鄭伯請成於

陳陳侯不許五父諫曰親仁善鄰國之寶也君其許鄭陳侯曰宋衛實難鄭何能為遂不許君子曰善不可失惡不可長其陳桓公之謂乎

年七

左傳

陳及鄭平十二月陳五父如鄭泣盟壬申及鄭伯盟軟如忘洩伯曰五父必不免不賴盟矣鄭良佐如陳泣盟辛巳及陳侯盟亦知陳之將亂也鄭公子忽在王所故陳侯請妻之鄭伯許之乃成昏

年八

左傳

四月甲辰鄭公子忽如陳逆婦媯辛亥以媯氏歸甲寅入于鄭陳鍼子送女先配而後祖鍼子曰是不為夫婦誣其祖矣非禮也何以育能

年桓二

春三月公會齊侯陳侯鄭伯于稷以成宋亂

年五

春正月甲戌巳丑陳侯鮑卒

葬陳桓公

陳佗

按傳即五父文公子無諡桓公卒佗弑大子而自立桓六年八月為蔡殺史以為厲公疑誤也

五年秋蔡人衛人陳人從王伐鄭

六年秋蔡人殺陳佗

厲公

名躍桓公子太子免長弟桓六年即位十二年卒在位七年史作利公疑誤

十一年秋柔會宋公陳侯蔡叔盟于折

十二年八月壬辰陳侯躍卒

莊公

名林桓公子太子免中弟桓十三年即位莊元年卒在位七年諡法武而不遂曰莊

十四年冬宋人以齊人蔡人衛人陳人伐鄭

十五年冬十有一月公會宋公衛侯陳侯于袤伐鄭

十六年夏四月公會宋公衛侯陳侯蔡侯伐鄭

十七年秋八月蔡季自陳歸于蔡

莊元年冬十月乙亥陳侯林卒

二十二年春王二月葬陳莊公

宣公

名杵曰太子免之少弟莊二年在位僖十一年卒在位四十五年諡法聖善周聞曰宣

莊四年夏齊侯陳侯鄭伯遇于垂

五年冬公會齊人宋人陳人蔡人伐衛

八年春王正月師次于郎以俟陳人蔡人

十二年冬十月宋萬出奔陳

十三年春齊侯宋人陳人蔡人邾人會于北杏

十四年春齊人陳人曹人伐宋

十五年春齊侯宋公陳侯衛侯鄭伯會于鄆 冬十有

二月會齊侯宋公陳侯衛侯鄭伯許男滑伯滕子

同盟于幽

十九年秋公子結媵陳人之婦于鄆遂及齊侯宋公盟

冬齊人宋人陳人伐我西鄙

二十年春陳人殺其公子御寇

二十一年冬戎侵曹曹羈出奔陳赤歸于曹

二十二年春陳侯使女叔來聘 冬公子友如陳

二十七年夏六月公會齊侯宋公陳侯鄭伯同盟于幽

秋公子友如陳葬原仲

僖四年春王正月公會齊侯宋公陳侯衛侯鄭伯許男

曹伯侵蔡蔡潰遂伐楚次于陘 齊人執陳轅濤

塗 秋及江人黃人伐陳 冬十有二月公孫茲

帥師會齊人宋人衛人鄭人許人曹人侵陳

五年夏公及齊侯宋公陳侯衛侯鄭伯許男曹伯會王

世子于首止

六年夏公會齊侯宋公陳侯衛侯曹伯伐鄭圍新城

七年秋七月公會齊侯宋公陳世子款鄭世子華盟于

甯母

八年春王正月公會王人齊侯宋公衛侯許男曹伯陳

世子欵盟于洮鄭伯乞盟

十二年冬十有二月丁丑陳侯杵臼卒

十三年夏四月葬陳宣公

穆公名欵宣公子僖十三年即位二十八年卒在位十六年諡法中情見貌曰穆

僖十年公會齊侯宋公陳侯衛侯鄭伯許男曹伯于鹹

十五年三月公會齊侯宋公陳侯衛侯鄭伯許男曹伯

盟于牡丘

十六年冬十有二月公會齊侯宋公陳侯衛侯鄭伯許

男邢侯曹伯于淮

十九年冬會陳人蔡人楚人鄭人盟于齊

二十一年秋宋公楚子陳侯蔡侯鄭伯許男曹伯會于孟

二十二年秋楚人伐陳

二十五年秋楚人圍陳納頓子于頓

二十七年冬楚人陳侯蔡侯鄭伯許男圍宋

二十八年五月陳侯如會 六月陳侯欵卒

共公名朔穆公子僖二十九年即位文十三年卒在位十八年諡法敬事供上曰共

僖二十八年冬公會晉侯齊侯宋公蔡侯鄭伯陳子莒子

邾子秦人于濫

二十九年夏六月會王人晉人宋人齊人陳人蔡人秦人盟于翟泉

三十三年冬晉人陳人鄭人伐許

左傳 楚令尹子上侵陳蔡陳蔡成遂伐鄭

文二年夏六月公孫敖會宋公陳侯鄭伯晉士穀盟于

垂隴 冬晉人宋人陳人鄭人伐秦

三年春王正月叔孫得臣會晉人宋人陳人衛人鄭人

伐沈沈潰

六年夏季孫行父如陳

七年秋八月公會諸侯晉大夫盟于扈

九年 左傳 夏楚侵陳克壺丘以其服于晉也秋楚公子朱自東夷伐陳陳人敗之獲公子蔑陳懼乃及楚平

十三年夏五月壬午陳侯朔卒

靈公 名平國共公子文十四年即位宣十年弒在位十五年謚法亂而不損曰靈

文十四年夏六月公會宋公陳侯衛侯鄭伯許男曹伯晉

趙盾癸酉同盟于新城

十七年春晉人衛人陳人鄭人伐宋

宣元年秋楚子鄭人侵陳遂侵宋 晉趙盾帥師救陳

宋公陳侯衛侯曹伯會晉師于棐林伐鄭

二年夏晉人宋人衛人陳人侵鄭

六年春晉趙盾衛孫免侵陳

八年冬楚師伐陳

九年秋九月晉侯宋公衛侯鄭伯曹伯會于扈晉荀林父帥師伐陳冬陳殺其大夫洩冶

十年夏癸巳陳夏徵舒弑其君平國

宣十年夏楚子陳侯鄭伯盟于辰陵冬十月楚人殺陳夏徵舒丁亥楚子入陳納公孫寧儀行父于陳

成公

名午靈公子宣十一年即位襄四年卒在位三十年諡法安民立政曰成

十二年春葬陳靈公冬宋師伐陳衛人救陳

陳

成二年冬丙申公及楚人秦人宋人陳人衛人鄭人齊人曹人邾人薛人鄆人盟于蜀

襄三年夏六月陳侯使袁僑如會戊寅叔孫豹及諸侯之大夫及陳袁僑盟

四年春王三月巳酉陳侯午卒秋葬陳成公

左傳

楚司馬公子何忌侵陳陳叛故也

陳人春秋來桓公二書伐鄭陳佗一書伐鄭莊公三書伐鄭蓋鄭莊挾強任詐黨齊以為諸侯害宋衛陳蔡四國地與之鄰有同惡焉桓之伐鄭宋殤公為主佗之伐鄭周桓王為主陳雖不敢主兵伺隙而動無

佗之伐鄭周桓王為主陳雖不敢主兵伺隙而動無

佗之伐鄭周桓王為主陳雖不敢主兵伺隙而動無

佗之伐鄭周桓王為主陳雖不敢主兵伺隙而動無

日忘也。至莊之伐鄭，其時鄭莊卒矣。宋莊公積仇于鄭，侈然以四國之兵往伐，徵其故。蔡陳與宋盟，折者也。衛與齊盟，惡曹者也。齊向與鄭合，以莊公之亡，亦背鄭而為宋，用陳之黨，宋固其宜也。會袤而伐鄭，會曹而伐鄭，魯桓公為鄭求宋，合諸侯以納厲公也。諸侯皆為鄭厲謀，陳自不能為鄭昭謀，君子觀垂之遇，知鄭厲必能復國矣。陳宣在位四十五年，適當齊桓圖霸之日，會於北杏，會於鄆，兩盟于幽，會于首止，盟于甯母，盟於洮，則從齊伐衛，伐宋，伐魯，西鄙伐鄭，圍新城，則從齊陳固始終不叛齊者也。然而伐楚之役

召陵成盟，齊人忽執陳轅濤塗，繼之以伐，重之以侵，皆使魯主之。若不能一日容者，齊桓仗信行仁，端委搢笏，諸侯諭志，何獨陳之犯怒深哉？左氏公羊云：齊侵蔡，伐楚，屈完來盟，師還，陳轅濤塗懼其出于陳鄭之間也。說之濱海而東，陷於沛澤，齊桓惡其不忠而討焉。然謀辟軍道，罪之小者，齊責以大義，薄示刑威，足矣。胡為執其卿又侵伐其國也？夫陳國南與蔡鄰，常畏楚，偪陳宣公自盟幽，以後不復與齊會盟。又以私愛欲立嬖姬子欵，殺太子御寇，陳公子完與顓孫奔齊。齊使完為卿，陳之蓄疑于齊有日矣。齊桓伐楚

春秋列國論卷十
常謀之宋而不謀之陳江黃邇於陳招之盟貫會陽
穀惟宋公與焉而陳不之及則齊之疑陳亦有日矣
轅濤塗一謀不協震怒加焉遠國如江黃重兵如七
大國惟吾左右使且陳方親於魯女叔之聘季友之
來至原仲死而往葬之君臣交好可謂無瑕齊桓一
呼而魯帥諸侯之師紛集於陳陳安所恃而無恐是
故執而侵伐皆齊威陳之術屈之以力也葵丘之會
陳猶不敢至至首止而後從焉甯母與洮則惟世子
欵與盟而宣公不行矣宣公卒欵立是爲穆公穆公
初年從齊會於鹹以城緣陵盟于牡丘以救齊會於

淮以謀楚承考服霸非賢諸侯乎然曹南之盟不從
宋伐鄭之役不從宋盟于齊則從楚會于孟執宋公
以伐宋則從楚舍中國而之夷者何益齊桓薨而宋
襄起霸不在齊而宋不成霸也未幾楚又伐陳圍陳
則陳病矣陳之所爭者頓楚之所爭者亦頓頓子迫
於陳而奔楚楚成圍陳而納頓子于頓中國之君虐
小而字則強夷與師反得借以爲義名甚哉陳之
失計也圍宋盟宋陳恪奉楚逮晉文與霸敗楚師於
城濮踐土大盟陳宣始懼而如會及乎共公會温而
圍許盟翟泉而謀伐鄭晉文之令也盟垂隴以討衛

伐秦以報彭衙伐沈以撓楚晉襄之令也會趙盾盟于扈以晉靈新立也共公在位十八年惟晉是從春秋喜其無變也靈公即位與晉同盟楚屢侵之趙盾來救陳欲兩屬楚晉交侵十四年間未有寧宇以淫被弑成公立不能執夏徵舒而誅之也辰陵之盟楚莊得陳又兼得鄭遂討殺夏徵舒入陳納公孫寧儀行父陳服楚益堅宋爲楚伐陳衛人出救其兵即止蜀之盟楚公子嬰齊仇爲之主而十一國皆聽焉雖晉悼復霸雞澤同盟陳見鄭服使袁僑如會晉使諸侯之大夫與之盟然而當日之陳屬楚不屬晉則已

二十八年矣陳自桓訖靈國歷數公歲逾百載初服齊中服晉終服楚或疑爲反覆之國而春秋獨憐之地處荆河衝交南北或夷或夏強令則從即神明之後亦不能自主也

哀公

名溺成公子襄五年即位昭八年卒在位三十五年謚法恭仁短折曰哀

襄四年冬陳人圍頓

五年秋公會晉侯宋公陳侯衛侯鄭伯曹伯莒子邾子

滕子薛伯齊世子光吳人鄆人于戚冬戍陳楚

公子貞帥師伐陳公會晉侯宋公衛侯鄭伯曹

伯齊世子光救陳十有二月公至自救陳

七年冬楚公子貞帥師圍陳十有二月公會晉侯宋

公陳侯衛侯曹伯莒子邾子于鄆陳侯逃歸

十七年春宋人伐陳秋宋華臣出奔陳

二十二年秋陳侯之弟黃出奔楚

二十三年夏陳殺其大夫慶虎及慶寅陳侯之弟黃自

楚歸于陳

二十四年冬楚子蔡侯陳侯許男伐鄭陳鍼宜咎出奔

楚

二十五年夏六月壬子鄭公孫舍之帥師入陳冬鄭公

孫夏帥師伐陳

二十六年冬楚子蔡侯陳侯伐鄭

二十七年夏叔孫豹會晉趙武楚屈建蔡公孫歸生衛石

惡陳孔奐鄭良霄許人曹人于宋

二十八年夏齊侯陳侯蔡侯北燕伯杞伯胡子沈子白

狄朝于晉宋之盟故也

三十左傳六月鄭子產如陳涖盟歸復命告大夫曰陳

亡國也不可與也聚禾粟繕城郭恃此二者而不撫其民其君弱植公子侈太子卑大夫敖政多門以介于大國能無亡乎不過十年矣

昭元年春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭卒虎許人曹人

于號

四年夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申 秋七月楚

子蔡侯陳侯許男頓子胡子沈子淮夷伐吳執齊

慶封殺之遂滅賴

五年冬楚子蔡侯陳侯許男頓子沈子徐人越人伐吳

八年春陳侯之弟招殺陳世子偃師 夏四月辛丑陳

侯溺卒 楚人執陳行人于徵師殺之 陳公子

留出奔鄭 陳人殺其大夫公子過 冬十月壬

午楚師滅陳執陳公子招放之于越殺陳孔魚

葬陳哀公

九年春叔弓會楚子于陳 夏四月陳災

陳哀公新立而圍頓猶鄭簡公即位而侵蔡皆無端

用兵自速楚寇也陳宣之世與楚成爭頓楚嘗圍陳

而納頓子今復圍頓以怒楚陳自此多事矣戚之會

晉悼公帥諸侯謀戍陳楚公子貞來伐晉又會於城

棣以救之晉之圖霸而不忘陳也春秋善焉然范宣

子有言矣陳近於楚民朝夕急有陳非我事也晉雖

戍陳心實慮楚免出號令以屬諸侯非毅然有禁暴

輔弱之志者也說者曰齊桓之霸不戰而屈楚晉文

之霸戰而屈楚晉悼之霸通吳以制楚威向桓三會
皆東境也又戍陳鄭以守焉策斯下矣楚貞圍陳晉
有鄒會名爲救陳師行不疾楚用大衆十月來圍至
十二月將歷一冬晉始會諸侯遷延鄭地豈心懷陳
者哉陳旣失恃復有內憂下效匹夫私逃而歸陳雖
不振棄華卽夷亦主霸者無以綏之非獨彼讐也陳
黃哀公弟也慶虎慶寅陳大夫之專國者也黃畏二
慶之愬而奔楚楚爲黃而討二慶二慶治城距君殺
於役人公子黃自楚歸陳鍼宜咎自陳奔楚國幸無
患奉楚益力鄭人惡其逞也突入其城以報之其君

免而擁社其衆男女別而纍鄭之大夫承飲數俘戎
服獻捷闕父以後未有受辱如今日者君子惡鄭無
禮兼責霸國謂晉爲盟王得陳而不能有又棄之於
楚使鄭修其私怨大義安在然陳方背晉鄭敢肆虐
晉心快之必欲使其爲陳伐鄭報怨以德事之難者
也且其時晉悼久薨趙武爲政善楚屈建志在和合
南北苟幸無事宋之盟晉楚兩霸諸侯交見陳之離
合非晉所問蓋有年矣魯昭元年再會于虢楚復爲
長申之會合十有二國皆楚役焉嗚呼鄭入陳諸侯
之散也散不可言也會于申諸侯之合也合更不可

言也。楚靈魚休，每歲興師殺齊慶封，滅賴，伐吳，陳必趨命而國難中起。君身不保，則陳侯弟招爲厲也。前者弟黃之奔，二慶之死，繇哀公寵任無方，是非不別，是以始不能容一弟，終則斃二卿，國命幾奪，可以悟矣。而耄昏自若，寵其嬖子，託於無良，遂至招過作亂。太子被殺，已亦縊死，不獲正終惡亂賊者。君父豈辭咎焉？楚靈不仁，假義僭暴，知陳內亂，殺行人于徵師，使棄疾帥師奉偃師之子吳圍陳，直滅其國。公子過與孔魚俱誅，而招不死也。僅放於越焉。陳靈之被弑也，楚莊入陳，殺夏徵舒，納公孫寧儀行父二人，不當。

納而納彼，嘗奔楚，以致楚師。楚所欲生者也。楚靈之滅陳也，招實首惡，反赦招而殺過，與招陰附楚而外蔽惡於人，亦楚所欲生者也。然莊欲縣陳叔時止之，復封而歸，傳稱有禮，靈則非好禮者也。其臣亦無有爲申叔時者也。則陳竟滅矣。春秋悲陳之歛爾而滅，急望其復也。于陳與嬖袁克之殺馬毀玉以葬其君也，書曰葬哀公于魯叔弓之往會楚子也，書曰叔弓會楚子於陳，于陳之火也，書曰陳災，國旣滅，不書地，不成國，不書災，滅國之君不書葬，今悉變例書之急存陳也。後五年陳復封有國者五十二年，陳果未嘗。

滅也而作春秋者志亦少安矣

惠公

名吳偃師子哀公孫昭十三年隨楚平王入楚平王即位復立之定四年卒在位二十四年謚法柔質茲民曰惠

昭十年秋陳侯吳歸于陳

十八年夏五月壬午宋衛陳鄭災

二十年冬十月宋華亥向寧華定出奔陳

二十一年夏宋華亥向寧華定自陳入于宋南里以叛

二十二年秋七月戊辰吳敗頓胡沈蔡陳許之師于雞父

胡子髡沈子逞滅獲陳夏齧

定四年春王二月癸巳陳侯吳卒

懷公

名柳惠公子定五年即位八年卒在位四年謚法慈仁短折曰懷

定四年三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏于召陵侵楚 六月葬陳惠公

八年秋七月戊辰陳侯柳卒 九月葬陳懷公

閔公

名越懷公子定九年即位二十一年為楚滅謚法禍亂方作曰閔

定十年冬宋公之弟辰暨仲佗石彊出奔陳

十一年春宋公之弟辰及仲佗石彊公子地自陳入于

蕭以叛

十四年春二月辛巳楚公子結陳公孫佗人帥師滅頓

以頓子牂歸

哀元年 春楚子陳侯隨侯許男圍蔡

六年 春吳伐陳

九年 夏楚人伐陳

十年 冬楚公子結帥師伐陳吳救陳

十一年 夏陳轅頗出奔鄭

十二年 夏楚公子申帥師伐陳

十三年 冬盜殺陳夏區夫

左傳

十四年夏五月陳宗豎出奔楚 冬陳宗豎
自楚復入于陳陳人殺之 陳轅買出奔楚
十七年楚白公之亂陳人恃其聚而侵楚楚

既寧將取陳麥楚子問帥于大師子穀與葉
公諸梁子穀曰右領差車與左史老皆相令
尹司馬以伐陳其可使也子高曰率賤民慢
之懼不用命焉子穀曰觀丁父都俘也武王
以為車率是以克州蓼服隨唐大啓群蠻彭
仲爽申俘也文王以為令尹實縣申息朝陳
蔡封畛于汝惟其任也何賤之有子高曰天
命不諂令尹有憾于陳天若亡之其必令尹
之子是與君蓋舍焉陳懼右令與左史有二
俘之賤而無其令德也王卜之武城尹吉使
帥師取陳麥陳人御之敗遂圍陳秋七月巳
卯楚公孫朝帥師滅陳

楚靈王虔滅陳蔡平王去疾復之春秋書曰蔡侯廬

歸于蔡陳侯吳歸于陳二侯稱歸不言自楚者國人

本欲其歸不因楚力也不稱復者廬隱太子有之子

吳悼太子偃師之子本非有國而失位者也齊桓存

三亡國春秋止書城楚丘城緣陵不書城衛杞著其救患之美而不予以專封之權楚平何人敢封陳蔡經直以三國自歸為文抑強夷存中國也然楚虔遷六小國于荆山又滅陳蔡而縣之神人怨怒棄疾懲其惡假與滅以為義終身不敢猾夏亦夷狄之知順者哉陳吳反國以後事不見經惟雞父一戰從楚伐吳夏齧死焉彼方德楚師旅之役大夫出行雖獲無憾也惠薨懷立晉定公會諸侯于召陵以侵楚懷方在喪奉命以往能懟楚矣及吳入郢來召懷公逢滑阻之其畏禍歟抑戀楚而不忍棄也閔公在位尊事

楚昭滅頓圍蔡從之不替春秋惡焉楚病中國百有餘年平昭之世其惡始戢諸侯皆散頓為楚與國亦棄之而會于召陵其知禮義也賢于陳侯奈何陳佗人與楚結滅其國執其君也蔡平與陳惠並歸故國楚讐不共先世同之蔡昭嘗以吳師入郢昭王奔隨陳不能從以雪舊怨戴皇天履后土負恥已極反助楚圍蔡報栢舉之辱使其國男女以辨江汝分疆蔑先祖虐同仇不肖之大者也楚惠既立陳乃即吳楚怒實深連歲伐之謂往者吳夫差伐陳昭王來救卒于城父陳我所覆露也今日背德不可不問然吳強

楚弱昭救不克陳之即吳豈其得已楚必勤兵致困
陳不服也吳怒楚暴出師救陳春秋曰義楚又乘吳
出會使公子申伐陳十數年間吳救不至楚氛益惡
陳國之大夫或為盜殺或出奔敵至魯哀十七年陳
竟為楚公孫朝所滅曩者楚靈滅陳鄭裨竈曰五年
陳將復封歲五及鶉火而後陳卒亡楚克有之今又
五十二年果天道耶陳封域在禹貢豫州之東其地
平廣無名山大澤西望外方東不及明猪蓋小國也
陳風十篇五篇在春秋之世墓門刺陳佗無良師傅
也防有鵲巢憂宣公信讒也株林澤陂刺靈公淫也

其後陳詩亡矣事則備乎春秋靈公可亡而成公不
亡哀公已亡而惠公不亡陳之幸也及乎閔公聖人
之望絕矣以帝舜之胄元女大姬之所出而子孫社
稷忽絕于蠻夷孔子所不及見亦所不忍見也昔宣
公殺公子御寇公子完奔齊陳侯筮之遇觀之否不
在此其在異國非此其身在其子孫必姜姓也陳衰
此其昌乎及陳之初亡也陳桓子始大于齊其後亡
也成子得政陳之亡而不亡也實賴公子完之後亡
陳者楚亡齊者陳舜之明德遠矣刪詩而陳存作春
秋而陳存孔子于有虞氏蓋忠厚之至也

春秋列國論卷十終

此其昌乎文刺之既言也則歸于欲入于其對也
亦得其公與國其此其也其千將以美也也東
公逐公千論公千宗亦將則對其之也其之否不
其公與千論公千宗亦將則對其之也其之否不
其公與千論公千宗亦將則對其之也其之否不
其公與千論公千宗亦將則對其之也其之否不
其公與千論公千宗亦將則對其之也其之否不
其公與千論公千宗亦將則對其之也其之否不
其公與千論公千宗亦將則對其之也其之否不
其公與千論公千宗亦將則對其之也其之否不
其公與千論公千宗亦將則對其之也其之否不

春秋列國論卷之十一目錄

蔡

宣公桓侯哀侯穆公文莊公文景公靈侯論

平侯悼公昭公成公論

右論二則

春秋列國論卷之十一目錄

春秋列國論卷十一

蔡

明婁東張溥西銘父著

姬姓侯爵出自周文王第五子叔度武王克商封于蔡其地蔡州上蔡縣西南十里故蔡城是也武王崩成王少與管叔鮮挾紂子武庚作亂周公誅武庚殺管叔而放蔡叔遷之車十乘徒七十人叔度既遷而死其子胡率德改行周公舉以為魯卿士魯國治於是言於成王復封於蔡是為蔡仲蔡仲卒子蔡伯荒立蔡伯荒卒子官侯立官侯卒子

厲侯立厲侯卒子武侯立武侯卒子夷侯立二十
八年卒子釐侯所事立四十八年卒子共侯興立
二年卒子戴侯立十年卒子宣公考父立宣公二
十八年入春秋至平侯徙新蔡即古呂國蔡州新
蔡縣是也至昭侯服役於楚徙州來淮南下蔡是
也後成侯十年獲麟成侯子聲侯聲侯子元侯元
侯子侯齊傳三十四年楚惠王滅之

宣公

名考父二十八年入春秋隱八年卒
在位三十五年謚法施而不成曰宣

隱三

夏宋公陳侯蔡人衛人伐鄭

秋翬帥師會宋

公陳侯蔡人衛人伐鄭

八年

夏六月巳亥蔡侯考父卒

秋八月葬蔡宣公

桓侯

名封人宣公子隱九年即位桓十七
年卒在位二十年謚法避遠為桓

隱十

秋宋人蔡人衛人伐戴鄭伯伐取之

桓三

秋蔡侯鄭伯會于鄧

五年

秋蔡人衛人陳人從王伐鄭

六年

秋蔡人殺陳佗

十一年

秋柔會宋公陳侯蔡叔盟于折

十四年

冬十有二月丁巳宋人以齊人蔡人衛人陳人

伐鄭

十五年

夏五月鄭伯突奔蔡

十六年

蔡

十六年春正月公會宋公蔡侯衛侯于曹 夏四月公

會宋公衛侯陳侯蔡侯伐鄭

十七年夏六月丁丑蔡侯封人卒 秋八月蔡季自陳

歸于蔡 癸巳葬蔡桓侯

哀侯

名獻舞桓侯弟桓十八年即位莊十年為楚獲尋赦之莊十九年卒史記哀侯留九歲死于楚與傳異在位二十年謚法早孤短折曰哀

莊五年冬公會齊人宋人陳人蔡人伐衛

八年春王正月師次于郎以俟陳人蔡人

十年秋九月荆敗蔡師于莘以蔡侯獻舞歸

十三年春齊侯宋人陳人蔡人邾人會于北杏

十四年秋七月荆入蔡

穆公

名盼哀侯子莊二十年即位僖十四年卒在位二十九年謚法中情見貌曰穆

僖三左傳

齊侯與蔡姬乘舟于囿蕩公公懼變色禁之不可公怒歸之未絕之也蔡人嫁之

四年春王正月公會齊侯宋公陳侯衛侯鄭伯許男曹

伯侵蔡蔡潰遂伐楚次于陘

十四年冬蔡胖卒

莊公

名甲午穆公子僖十五年即位文十四年卒在位二十四年謚法武而不遂曰莊

僖九年冬會陳人蔡人楚人鄭人盟于齊

二十一年秋宋公楚子陳侯蔡侯鄭伯許男曹伯會于孟

執宋公以伐宋

二十七年冬楚人陳侯蔡侯鄭伯許男圍宋

二十八年夏五月癸丑公會晉侯齊侯宋公蔡侯鄭伯衛

子莒子盟于踐土 冬公會晉侯齊侯宋公蔡侯

鄭伯陳子莒子邾子秦人于温

二十九年夏六月會王人晉人宋人齊人陳人蔡人秦人

盟于翟泉

文十年冬楚子蔡侯次于厥貉

十五年夏晉郤缺帥師伐蔡戊申入蔡

文公 名申莊公子文十六年即位宣十七年卒在位二十年謚法慈惠愛民曰文

宣十七年丁未蔡侯申卒 葬蔡文公

景公 名固文公子宣十八年即位襄三十年弒在位四十九年謚法布義行剛曰景

成八年春晉欒書帥師侵蔡

襄八年夏鄭人侵蔡獲蔡公子燮

二十二年秋蔡殺其大夫公子燮蔡公子履出奔楚

二十四年冬楚子蔡侯陳侯許男伐鄭

二十六年冬楚子蔡侯陳侯伐鄭

二十七年夏叔孫豹會晉趙武楚屈建蔡公孫歸生衛石

惡陳孔魚鄭良霄許人曹人于宋

二十八年夏齊侯陳侯蔡侯北燕伯杞伯胡子沈子白

二十九年夏齊侯陳侯蔡侯北燕伯杞伯胡子沈子白

狄朝于晉宋之盟故也 蔡侯歸自晉入于鄭鄭伯享之不敬子產曰蔡侯其不免乎

三十夏四月蔡世子般弒其君固 冬十月葬蔡景

公

靈侯

名般景侯子弒父自立襄三十年即位在此位十二年魯昭十一年為楚殺蔡滅謚法亂而不損曰靈

昭元年 春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人曹人

于虢

四年 夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申 秋七月楚

子蔡侯陳侯許男頓子胡子沈子淮夷伐吳執齊

慶封殺之遂滅賴

五年 冬楚子蔡侯陳侯許男頓子沈子徐人越人伐吳

十一年 夏四月丁巳楚子虔誘蔡侯般殺之于申楚公

子棄疾帥師圍蔡 冬十有一月丁酉楚師滅蔡

執蔡世子有以歸用之

魯莊公十四年荆入蔡昭公十一年楚師滅蔡蔡入

春秋自宣歷靈凡八世矣史記云息侯請楚文王擊

蔡虜哀侯獻舞以歸哀侯留九歲死于楚考之春秋

楚執獻舞在魯莊十年又四年而入蔡其執而赦之

赦而復入歟抑蔡侯既執國為楚有而楚徐入歟事
 未可知然既執其君又入其國楚暴方烈固漢陽諸
 姬所痛心疾首也魯隱之時蔡宣會諸侯兩伐鄭莊
 桓公即位一伐戴三伐鄭盟折會曹殺陳佗儼為宗
 國盟長魯宋陳衛之君進而禮之曰此固蔡仲之後
 其祖克庸祇德周公舉為卿士者也哀侯無道與息
 構怨楚滅息入蔡衡行無忌楚猶火也蔡自邇之君
 雖死奚足恤哉齊桓創霸文與蔡戚北杏之會大夫
 從役使穆能自強一心事齊先公之辱猶可振也柰
 何怖入蔡之威奉楚恐後自絕霸王諸侯義師始雲

集于蔡矣楚僻南服欲圖北方道必繇蔡蔡服中國
 則楚爭之蔡服楚則中國爭之齊伐楚而先侵蔡蔡
 潰而楚乃震召陵之盟成焉致人而不致于人之術
 也桓既盟楚不煩師旅蔡亦安楚宇下歲不被兵盟
 齊會孟伐宋圍宋蔡莊奔走于楚則以齊桓既薨中
 國無霸故晉文敗楚城濮蔡不敢不服盟于踐土會
 于溫盟于翟泉凡三大舉咸奉霸令久之而有厥貉
 之次君子乃惡其不悛也新城同盟中國和協蔡復
 不至晉郤缺帥師伐而入之荆之入蔡大入也晉之
 入蔡小入也大入則讐小入則玩更文及景而從楚

無變春秋斯棄之矣。樂書鄭人之侵公子燮之獲蔡。當知懼反殺燮。逐履曰惡燮之欲以蔡之晉也。背夏從夷不可諫誨小國之君有愚若蔡景侯者哉。太子般娶于楚景侯通焉而般弑之。靈侯般立楚靈王。虔知其可乘誘而殺之而蔡滅焉。國弱不支介在蠻夷兢兢禮度猶懼速亡重以淫弑是自殛也。恒有子禍決于子產。丞韋弗過斷于萇弘。二大夫亦言其理而已矣。晉會厥愆救蔡不果。楚執蔡有賤同犧牲君子疾其虐冀其敗以楚滅陳蔡等於桀克有緡紂克東夷然終無如蔡自棄何也。昔者蔡桓侯封人無子弟。

季次當立桓欲立獻舞而疾害季季辟之陳桓薨歸反奔喪思慕三年卒無怨心春秋字而貴之齊於叔盼美於衛縛使季而君蔡好善服義能守社稷必不如獻舞之折而入楚也。蔡自哀侯為虜世世楚役以齊桓晉文迭主霸盟不能使彼抗楚蔡文有從夏之志亦制于國人没世不遂勢實使然寧堪一跌哉。

平侯 名廬靈公孫隱太子少子楚平王後封之昭十三年即位二十年卒在位八年謚法

治而無
青曰平

昭十年秋蔡侯廬歸于蔡冬十月葬蔡靈公

十五年夏蔡朝吳出奔鄭

春秋列國論 卷二 蔡

二十一年春王三月葬蔡平侯

二十二年春王三月葬蔡平侯

悼公

名東國隱太子之子平侯之弟昭二十年平侯卒太子朱立楚費無極取貨於悼公逐朱立之昭二十一年即位二十三年卒在位三年謚法年終早夭曰悼

昭二十一年冬蔡侯朱出奔楚

二十二年夏六月蔡侯東國卒于楚

昭公

名申隱太子之子悼公弟昭二十四年即位二十八年在位二十八年弒謚法容儀恭美曰昭

昭二十三年秋戊辰吳敗頓胡沈蔡陳許之師于雞父

定三左傳蔡昭侯為兩佩與兩裘以如楚獻一佩一裘于昭王昭王服之以享蔡侯蔡侯亦服其一子常欲之弗與三年止之蔡人聞之圍請而

獻佩于子常子常朝見蔡侯之徒命有司曰蔡君之久也官不共也明日禮不畢將死蔡侯歸及漢執玉而沈曰余所有濟漢而南者有若大川蔡侯如晉以其子元與其大夫之子為質焉而請伐楚

二十四年春三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏于召陵侵楚夏四月庚辰蔡公孫

姓帥師滅沈以沈子嘉歸殺之秋楚人圍蔡

冬十有一月庚午蔡侯以吳子及楚人戰于栢舉

楚師敗績楚囊瓦出奔鄭

五年夏歸粟于蔡

哀元 春楚子陳侯隨侯許男圍蔡

二年 冬十有一月蔡遷于州來蔡殺其大夫公子駟

三年 秋蔡人放其大夫公孫獵于吳

四年 春王二月庚戌盜殺蔡侯申

成公

名朔昭公子哀五年即位 在位十九年卒謚法安民立政曰成

哀四 春蔡公孫辰出奔吳 夏蔡殺其大夫公孫姓

公孫霍 冬十有二月葬蔡昭公

楚虔之誘殺蔡侯般也世子有居守拒敵力屈被執 虔忿其不服虐用于岡山有之于蔡也父歿而不忍 即位國亡而身死社稷為世子之道得矣楚平王棄

疾弑虔自立欲以義悅人乃復陳蔡平侯廬始得歸

國收葬靈公八年病薨子朱繼立楚費無極又取悼

公東國之貨脅蔡人出朱朱走愬楚東國立三年來

朝楚亦卒焉弟昭公申代立從楚攻吳敗于雞父又

為囊瓦所困以子質晉求合諸侯召陵之會伐楚不

成楚反圍蔡昭侯以晉不足與又結吳伐楚柏舉一

戰吳遂入郢讀春秋者至此曰蔡猶有人焉楚憑陵

諸夏陳蔡受禍尤酷殺般用有逐朝吳出侯朱東國

客死昭辱南郢不共戴天豈繫一世今發憤復讐吳

為興師敗楚柏舉囊瓦奔鄭蔡人之讐其少抒乎春

秋書曰蔡侯以吳子及楚人戰以者師能左右之之謂也蔡吳之彈丸黑子也吳能以蔡蔡豈敢以吳特書蔡以吳者專伸蔡也一隅而覆大國煨燼之餘而燔強夷如是而曰復讐庶乎其可矣公羊氏大齊襄滅紀復九世之讐而不大蔡之伐楚不知春秋者也昭王反楚與陳隨許圍蔡報栢舉之辱蔡人男女以辨使彊于江汝之間蔡請遷吳州來是宅文忿而殺公子駟放公孫獵國人不安盜殺昭侯說者謂侯剛戾不仁得罪大國廢殺無辜違衆事吳群怨叢至禍發倉猝卒于家人一獨夫耳抑思蔡靈之世國滅身死宗族魚爛幸賴朝吳善事蔡公棄疾奉之盟子于子皙帥師入楚殺虔復蔡平悼之際蔡僅如綫昭侯又馳驅叫呼假吳覆楚讐恥始雪卽滅殺沈嘉誅逐駟獵發于忍詢罪非般固豈足爲栢舉累哉後唐莊宗同光四年之變訛言下闕身死伶官世譏無道要其當日少牢祭廟三矢誓天摧燕滅梁功比高光不可誣也是故蔡終春秋有三人焉觀世子有而知守義劉謚所以死蜀也觀朝吳而知存國張良所以報韓也觀昭侯而知復讐項籍所以破秦也

春秋列國論卷十一終

神也... 其當日... 宗國... 昭... 穆... 莊... 共... 康... 平... 右... 論六則

春秋列國論卷之十二目錄

楚

武王文王堵敖成王論

穆王論

莊王論

共王論

康王邾敖靈王論

平王昭王惠王論

右論六則

平王

平王

平王

平王

平王

平王

平王

春秋列國論卷之十二目錄

春秋列國論卷十二

明 婁東張溥西銘父著

楚

芊姓子爵出自顓帝孫重黎為高辛氏火正能光融天下命曰祝融其弟吳回嗣為祝融生陸終陸終娶鬼方之女孕而不育十一年開其左脇而出三人焉又開其右脇而出三人焉長曰昆吳名樊為己姓封於衛墟為夏伯湯伐桀滅之次曰參胡董姓封於韓墟周時為胡國楚滅之三曰彭祖名翦彭姓封於韓大彭之墟即彭城也為商伯商末

始亡四曰會人妘姓封於鄭墟五曰安曹姓封于

邾之墟六曰季連芊姓音朱季連之苗裔鬻熊為周

文武師成王時舉文武勤勞之後嗣得鬻熊之曾

孫熊繹封于子荆蠻胙以子之田居丹陽按傳繹辟在荆

山荆山在今襄陽則丹陽在荆州枝江漢志以為在江都之丹陽或以為本在歸州皆非繹子

熊艾生熊黜音但熊黜生熊勝熊勝以弟熊楊為後

熊楊生熊渠卒中子熊摯紅立摯紅卒其弟弑而

代立曰熊延熊延卒子熊勇立十年卒弟熊嚴繼

立十年卒子伯霜代立為熊霜立六年卒少弟季

狗立為熊狗立二十二年卒子熊罟立九年卒子

熊儀立為若敖立二十七年卒子熊坎立為宵敖

六年卒子熊駒立駒音舜為蚡冒立十七年卒其弟

熊通弑蚡冒子自立為楚武王武王十九年入春

秋其後徙都郢改荆號楚今江陵縣東北三里有

舊郢城地理志文王自丹陽徙都郢後遷于都襄陽宜城縣西

南有都亭山昭王畏吳自郢徙都名都為郢至頃襄王為秦拔郢保於陳即故陳國

又遷壽春今鳳陽府壽州也亦名曰郢考烈王畏秦自陳東

徙壽春惠王章八年獲麟傳十二王而秦滅之

武王名熊通霄敖子蚡冒弟十九年入春秋莊四年卒在位五十一年謚法夸志多窮曰武

武

桓二年 蔡侯 鄭伯 莊 會于鄧

六年 左傳 楚武王侵隨使薳章求成焉隨侯懼而脩政

楚不

八年 左傳 夏楚子伐隨隨師敗績秋隨及楚平

九年 左傳 夏楚使鬬廉帥師及巴師圍鄧鄧養甥聃甥

帥師救鄧三逐巴師不克鬬廉衡陳其師於

巴師之中以戰而北鄧人逐之背巴師而夾

十一年 左傳 楚屈瑕將盟貳軫鄖人軍於蒲騷將與隨絞

州蓼伐楚師鬬廉敗鄖師于蒲騷卒盟而還

十二年 左傳 楚伐絞大敗之為城下之盟而還

十三年 左傳 春楚屈瑕伐羅羅與盧戎兩軍之大敗之莫

敖縊于 荒谷

莊四年 左傳 春楚武王伐隨卒于滿木之下

文王

名熊賁武王子莊五年即位十九年 卒在位十五年謚法慈惠愛民曰文

莊六年 左傳 楚莊伐申過鄧鄧祁侯曰吾甥也止而享之

十一年 秋九月荆敗蔡師于莘以蔡侯獻舞歸

十三年 秋七月荆入蔡

十六年 秋荆伐鄭

十八年 左傳 初楚武王克權使鬬縉尹之以叛圍而殺之

遷權於那處使聞敖尹之及文王即位與巴人伐申而驚其師巴人叛楚而伐處取之遂門于楚聞敖游涌而逸楚子殺之其族為亂冬巴人因之以伐楚十九年春楚子禦之大敗於津還鬻拳弗納遂伐黃敗黃師于踏陵還及湫有疾夏六月庚申卒鬻拳葬諸夕室亦自殺也而塋於經皇

堵敖

弟弒在位三年
名熊難文王子莊二十年即位二十年為
名熊難文王子莊二十年即位二十年為弟弒在位三年

成王

即位文元年為子弒在位四十六年謚法安民立政曰成

莊二十三年夏荆人來聘

二十八年秋荆伐鄭

三十左傳

楚公子元歸自伐鄭而處王官鬪射師諫則執而梏之於蒐為令尹自毀其家以紓楚國之難

僖元年秋楚人伐鄭

二年冬楚人侵鄭

三年冬楚人伐鄭

四年春王正月公會齊侯宋公陳侯衛侯鄭伯許男曹伯侵蔡蔡潰遂伐楚次于陘夏楚屈完來盟于

師盟于召陵

五年秋楚人滅弦弦子奔黃

六年秋楚人圍許

春秋左傳

十一年冬楚人伐黃

十二年夏楚人滅黃

十五年春楚人伐徐 冬楚人敗徐于婁林

十九年冬會陳人蔡人楚人鄭人盟于齊

二十年冬楚人伐隨

二十一年春宋人齊人楚人盟于鹿上 秋宋公楚子陳

侯蔡侯鄭伯許男曹伯會于孟執宋公以伐宋 冬

楚人使宜申來獻捷 十有二月癸丑公會諸侯

盟于薄釋宋公

二十二年冬十有一月己巳朔宋公及楚人戰于泓宋師

敗績

左傳

丙子晨鄭文夫人莘氏姜氏會楚子于柯澤
楚子使師縉云之俘馘丁丑楚子入饗于鄭
取鄭二姬以歸諸侯是以知其不遂霸也

二十三年秋楚人伐陳

二十四年左傳 宋及楚平宋成公如楚

二十五年秋楚人圍陳納頓子于頓

二十六年夏公子遂如楚乞師 秋楚人滅夔以夔子歸

冬楚人伐宋圍緡 公以楚師伐齊取穀

二十七年冬楚人陳侯蔡侯鄭伯許男圍宋

二十八年春晉侯伐衛楚人救衛 夏四月己巳晉侯齊

師宋師秦師及楚人戰于城濮楚師敗績楚殺其大夫得臣衛侯出奔楚六月衛侯鄭自楚復歸于

衛

三十左傳

楚令尹子上侵陳蔡陳蔡成遂伐鄭將納公

子瑕門于桔杖之門瑕覆于周氏之汪外僕

鬲屯禽之以獻文夫人歛而葬之鄆城之下

晉陽處父侵蔡楚子上救之與晉師夾泚

而軍陽子患之使謂子上曰吾聞之文不犯

順武不違敵子若欲戰則吾退舍子濟而陳

遲速唯命不然紆我老師費財亦無益也乃

駕以待子上欲涉大孫曰不可晉人無信半

涉而薄我悔敗何及不如紆之乃退舍陽子

宣言曰楚師遁矣遂歸楚師亦歸太子商臣

讚子上曰受晉賂而辟之楚之耻也罪莫大

焉王殺子上

文元年

冬十月丁未楚世子商臣弒其君頹

魯桓公二年蔡侯鄭伯會于鄧傳云始懼楚也蔡鄭

鄧三國處楚北境鄧尤密邇時楚武王熊通始僭稱

王憑陵江漢鄧患之甚為地主而會蔡鄭于其國然

荆楚之號猶未見經也至楚文王熊貲則書荆敗蔡

師荆入蔡荆伐鄭成王顛則書楚人伐鄭以後常書

楚荆者楚本號國以州舉楚者成王時令尹子文得

政國益強改稱楚以交于中國也荆敗蔡師于莘執

蔡侯獻舞以歸其後蔡侯未嘗書歸國史記曰楚文

王虜蔡哀侯以歸留九年死于楚甚哉楚之暴蔡之

弱也。踰年復入蔡。蔡自是折而從楚矣。蔡者楚所由病中國之要道也。卽無息媯之怨，勢在必爭。故憂楚者自敗蔡師。始旣入蔡，卽伐鄭。楚無蔡梗，患先及鄭。得鄭卽可出而四瞰中原大國之君，不得不起而爭之。是故魯莊十六年之荆伐鄭，又南北爭鄭之始也。楚成初伐鄭，魯會齊人，宋人救鄭。齊桓霸王魯望國，宋王者後救鄭制楚其先務也。楚漸強，爭鄭漸亟。連歲侵伐齊桓，未有以創之也。會于榿，以合諸侯盟于貫。以來江黃，遂侵蔡，伐楚次于陘。楚屈完來成盟而退。蔡自哀侯之敗，堅于事楚，不通中國者二十四年。

于茲齊欲威楚，必先得蔡。侵蔡者奇兵也。伐楚者正兵也。然完旣來盟，一盟足矣。兩書盟者，來盟于師，楚志也。盟于召陵，齊志也。楚畏齊師，則來求盟。齊慮楚叛，則再與完盟。一則信，再則實。君子曰：召陵之盟，卽楚他日滅弦、圍許、滅黃、伐徐之見端也。貫之盟，管仲謂齊桓曰：江黃遠齊而近楚楚，爲利之國也。若伐而不能救，則無以宗諸侯矣。桓公不聽，遂與之盟。管仲死，楚伐江，滅黃，齊果不能救也。齊桓之世，楚卽滅弦、黃，伐徐，許莫敢誰何。桓公薨，楚益無忌區區之宋，其能抗乎盟齊之舉。楚竟列中國而宋襄欲招以就。

我何其愚也。鹿上之盟，宋曰盟楚，亦曰盟孟之會。宋曰會楚，亦曰會然。而宋公執矣。執宋公以伐宋，又來獻捷于魯。要僖公往盟，薄耀威而後釋之。泓之戰，宋師敗，襄公亡楚，且謂諸夏唯我役也。伐陳而納頓子，滅夔而執夔子，取之之易，猶蔡侯也。魯于楚，初受聘，既同盟，後遂乞師以伐齊，取穀以禮義之邦。宗國之長，甘心下楚，列國又誰與敵？令非晉文與伯城濮一戰，折其驕銳，蠻夷薦食禍未艾也。楚武伐隨，隨侯惕于季梁之言，脩政而親兄弟，楚雖勝于速杞，獲其少師，終未得志。武王竟卒于櫛木之下，至成王令子文帥師，僅能取成而已。倘東諸侯有自強如隨者，豈遂不足支楚哉？惜乎宋襄非其人也。

穆王 名商臣成王子弑父自立文二年即位十一年卒在位十二年謚法名與實爽曰穆

文三 春王正月叔孫得臣會晉人 襄 宋人 成 陳人 共

衛人 成 鄭人 穆 伐沈沈潰 秋楚人圍江 晉陽

處父帥師伐楚以救江

四 秋楚人滅江

五 秦人入郟秋楚人滅六

九 春楚人伐鄭公子遂會晉人宋人衛人許人救鄭

左傳 夏楚侵陳克壺丘以其服于晉也秋楚公子

朱自東夷伐陳陳人敗之獲公子茂陳懼乃及楚平

冬楚子使椒來聘

十年夏楚殺其大夫宜申 冬楚子蔡侯次于厥貉

十一年春楚子伐麇

十二年夏楚人圍麇

楚成王泓戰敗宋入饗于鄭取二姬以歸鄭叔詹知

其不沒也後遭子禍不得死所春秋書曰楚世子商

臣弑其君頽稱世子見其有父之親稱君見其有君

之尊也然攷之史書成王弑兄堵敖而自立弟可弑

兄即子可弑父楚之無君也四十有六年矣商臣其

效之而甚者也楚成享國日久身當兩霸齊桓圖之

二十餘年始有陘之師晉文一舉遂為城濮之戰齊

謀霸緩晉謀霸速及其成也要以服楚為功成王身

介其間盟於齊敗于晉鷲鳥伏攫戰守並用其才類

有過人者穆王蠡目豺聲其忍似父遠畧弗如也乃

即經傳所書其兼小國也滅江滅六伐麇圍巢其侮

大國也師狼淵以伐鄭克壺丘以平陳次厥貉以服

宋北方之圖銳于成王十二年間未嘗一跌何也則

以中國無霸也楚成即位每歲爭鄭齊桓主霸盟于

召陵即與鄭解兵終身無動窺齊霸之衰用師以擾

春秋左傳卷之十一

弦黃徐許亦伐其近者小者未敢出而遠圖也齊桓
薨孝公立楚反合齊謀宋越漢東陵上國晉文創之
兵變遂息因時闔闢利則進不利則退蠻夷之故智
也楚穆弒立天人怨怒晉襄嗣霸不正名討賊僅以
伐沈救江勉塞衆望楚何畏焉楚成之伐徐也齊桓
爲伐厲以救徐楚卒敗徐于婁林齊救無功楚穆圍
江晉陽處父帥師伐楚以救江名爲救伐偏師遽退
其懼楚也甚于齊之伐厲矣楚成伐黃自冬越夏而
滅黃楚穆圍江自秋徂秋而滅江哀黃者病齊哀江
者病晉閱三時歷一碁而中國之救不及江黃之君
唯有死于其位國爲楚有耳晉襄薨靈公立楚穆伐
鄭夫城濮以後楚兵不加于鄭者十五年矣復敢伐
者知晉之志不在諸侯也趙盾立靈公有令狐之戰
秦晉不睦其時大夫被殺者以陽處父士穀箕鄭父
之屬告出奔者以狐射姑先蔑之屬告僅盟于扈文
以大夫盟諸侯無禮致譏晉無伯志人盡知之豈特
楚范山哉晉救鄭不及楚益得氣陳與楚平宋奉楚
役其勢然也楚成欲立商臣爲太子訪諸令尹子上
子上阻之商臣卽譖殺子上及弒君頽左右之黨多
潘崇也莫有起而問者子西子家臣商臣者十年忽

圖弑之謀。不以義動。非其時。歸死何益乎。緩亂賊之誅。縱中華之患。讀春秋者。至于楚穆思伯益勤矣。

莊王 各旅穆王子文十四年即位宣十八年卒在位二十三年謚法屢征殺伐曰莊

文十左傳 楚莊王立子孔潘崇將襲羣舒使公子燮與子儀守而伐舒蓼二子作亂城郢而使賊殺子孔不克而還八月二子以楚子出將如商

密廬戢黎及叔麋誘之遂殺鬬克及公子燮初鬬克囚于秦秦有殺之敗而使歸求成而不志公子燮求令尹而不得故二子作亂

十六年 秋楚人秦人巴人滅庸

宣元年 夏楚子鄭人侵陳遂侵宋

三年 春楚子伐陸渾之戎 夏楚人侵鄭

四年 冬楚子伐鄭

左傳

初楚司馬子良生子越椒子文曰必殺之弗殺必滅若敖氏矣子良不可及令尹子文卒鬬般為令尹子越為司馬為賈為工正諸子揚而殺之子越為令尹已為司馬子越又惡之乃以若敖氏之族圍伯麇于轅陽而殺之遂處烝野將攻王秋七月戊戌楚子與若敖氏戰于臯澗遂滅若敖氏

五年 冬楚人伐鄭

左傳

楚人伐鄭取成而還

八年 夏楚人滅舒蓼 冬楚師伐陳

九年 冬楚子伐鄭

十一年 夏楚子陳侯鄭伯盟于辰陵

左傳

楚左尹子重侵宋王待諸郟令尹薦艾獵城沂

冬十月楚人殺陳夏徵舒丁亥楚子入陳納公孫

寧儀行父于陳

年十二 春楚子圍鄭 夏六月乙卯晉荀林父帥師及

楚子戰于邲晉師敗績

左傳

秋鄭伯許男如楚

冬十有二月戊寅楚子滅蕭

年十三 夏楚子伐宋

年十四 秋九月楚子圍宋

年十五 春公孫歸父會楚子于宋 夏五月宋人及楚

人平

年十八 秋七月甲戌楚子旅卒

楚莊王在位二十三年春秋書滅國者三滅庸之謀

薦賈啟之以庸帥群蠻叛楚也莊王新立鬪克與公

子燮作亂廬戢黎叔麋誘而殺之國人始定且史言

王左鄭姬右越女坐鐘鼓之間三年不出號令伍舉

蘇從進諫王乃罷淫樂聽政是則三年之內楚國方

病宜乎庸麋百濮乘饑而起也北門不啟謀徙阪高

賈請伐庸以懼麋濮於是七遇設而庸滅楚威復振

且○城○濮○之○役○秦○人○從○晉○以○攘○楚○今○反○助○楚○滅○庸○秦○通
于○楚○而○不○憂○齊○晉○之○限○楚○連○于○秦○而○不○憂○西○南○之○隔
將○大○為○中○國○患○而○諸○侯○不○悟○也○舒○蓼○為○疆○盟○及○吳○越
蕭○人○不○守○宋○失○附○庸○其○滅○人○國○也○取○諸○懷○中○耳○或○曰
楚○殺○夏○徵○舒○輟○諸○栗○門○因○縣○陳○申○叔○時○不○可○乃○復○封
陳○其○圍○鄭○也○入○自○皇○門○至○于○達○路○鄭○伯○肉○袒○牽○羊○請
俘○江○南○反○退○三○十○里○而○許○之○平○宋○殺○申○舟○楚○往○圍○之
宋○人○易○子○而○食○析○骸○而○炊○華○元○以○告○子○反○引○師○而○去
之○此○三○者○楚○皆○可○有○其○國○而○不○有○是○楚○子○之○賢○也○然
陳○宋○三○恪○鄭○國○宗○彊○在○春○秋○時○諸○侯○之○大○者○也○非○若

庸○蕭○舒○蓼○可○以○折○筆○定○也○楚○若○縣○陳○中○國○之○師○必○萃
于○楚○萃○于○楚○則○楚○力○必○訕○楚○力○既○訕○必○不○能○出○圍○鄭
宋○莊○王○知○之○審○矣○于○陳○則○曰○不○貪○其○富○于○鄭○則○曰○其
君○下○人○于○宋○則○曰○無○詐○無○虞○不○服○即○討○能○服○即○退○楚
釋○一○陳○天○下○皆○曰○楚○能○滅○陳○而○能○釋○陳○也○則○楚○再○有
陳○矣○楚○釋○一○鄭○天○下○皆○曰○楚○能○滅○鄭○而○能○釋○鄭○也○則
楚○再○有○鄭○矣○楚○釋○一○宋○天○下○皆○曰○楚○能○滅○宋○而○能○釋
宋○也○則○楚○再○有○宋○矣○申○叔○不○賀○而○獻○奪○牛○之○諭○子○反
在○師○而○受○登○牀○之○盟○豈○二○三○大○夫○獨○不○樂○享○大○國○專
命○自○遂○乎○君○臣○之○際○有○成○謀○焉○一○操○一○舍○而○姑○以○辭

令為威也。樂武子曰：楚自克庸以來，其君不驕。隨武子曰：昔歲入陳，今茲入鄭，民不罷勞，君無怨讟，可謂善論楚莊者矣。非桓文之師，而有仁義之言，是以近乎伯也。

共王

各審莊王子成元年即位，襄十三年卒。在位三十一年，蓋法既過能改，曰恭。

成二年冬，楚師鄭師侵衛，十有一月公會楚公子嬰齊

于蜀，丙申公及楚人、秦人、宋人、陳人、衛人、鄭人、齊

人、曹人、邾人、薛人、鄆人盟于蜀。

左傳

共王即位，巫臣奔晉，晉人使為邢大夫。冬，楚師及宋公衡逃歸。

三年左傳：晉人歸楚公子穀，臣與連尹襄老之尸于楚。

以求知瑩王重為之禮而歸之。

五年左傳：許靈公愬鄭伯于楚，六月鄭悼公如楚，訟不

勝楚人執皇戌及子國，故鄭伯歸使公子偃請成于晉。

六年秋，楚公子嬰齊帥師伐鄭，吳入州來。

七年秋，楚公子嬰齊帥師伐鄭，吳入州來。

九年冬，楚公子嬰齊帥師伐莒，庚申莒潰，楚人入鄆。

左傳

春，楚人以重賂求鄭鄭伯會楚公子成于鄆。十二月，楚子使公辰如晉，報鍾儀之使，請脩好，結成。

十一年左傳：宋華元善於令尹子重，又善於樂武子，聞楚

人既許晉糴莠成而使歸復命矣
冬華元如楚遂如晉合晉楚之成

十二年左傳晉郤至如楚聘且涖盟楚子享之冬楚公子

罷如晉聘且涖盟十二月晉
侯及楚公子罷盟于赤棘

十五年夏楚子伐鄭冬許遷于葉

十六年夏六月甲午晦晉侯及楚子鄭伯戰于鄢陵楚

子鄭師敗績楚殺其大夫公子側

十七年冬楚人滅舒庸

十八年夏楚子鄭伯伐宋宋魚石復入于彭城冬楚

人鄭人侵宋

襄二冬楚殺其大夫公子申

三年春楚公子嬰齊帥師伐吳

左傳

楚司馬公子何忌侵陳陳叛故也

五年夏楚殺其大夫公子壬夫冬楚公子貞帥師伐

陳

七年冬楚公子貞帥師圍陳

八年冬楚公子貞帥師伐鄭

九年冬楚子伐鄭

十年夏楚公子貞鄭公孫輒帥師伐宋冬戍鄭虎牢

楚公子貞帥師救鄭

左傳

秋七月楚子囊鄭子耳伐我西鄙還圍蕭八

月丙寅
克之

十一年秋楚子鄭伯伐宋楚人執鄭行人良霄

十二年冬楚公子貞帥師侵宋

十三年秋九月庚辰楚子審卒

楚專主中國之盟莫盛于蜀成之盟宋穆之厥貉莊之辰陵皆不及也自是楚出伐遂書大夫將矣共王之篇書伐鄭者五救鄭者一伐宋者三侵宋者二伐陳者一伐吳者一伐莒者一而帥師者四書公子嬰齊一書公子壬夫六書公子貞著楚強也鄢陵之戰共王傷目楚師敗績其歿也告諸大夫曰不穀不德

生十年而喪先君未習教訓亡師于鄢以辱社稷共王懷此耻以終死不瞑也雖然鄢戰以前楚屢伐鄭晉景盟馬陵以救鄭侵蔡以圖楚未一得志及乎厲公會于瑣澤同盟于戚楚伐鄭如故晉會吳于鍾離以間之鄭已服楚同病中國幸而有鄢陵之捷則楚亡晉霸之日也未幾楚滅舒庸伐中國勢不加強豈天方授楚未可力爭乎弔晉者曰厲公無道恃勝而弑晉之憂楚之喜也賀晉者曰厲公雖亡悼公再興晉文復伯楚不足圖也抑悼之慮楚念之熟矣楚鄭伐宋納魚石于彭城又繼之以侵楚無宋即無晉也

悼公合諸侯圍宋彭城執叛人而楚公子壬夫侵宋鄭成公伐宋俱不能為患齊桓之伯始乎平宋亂晉文之霸始于釋宋圍悼公之伯始于圍宋彭城凡救宋者謀伯之先務也鄭與楚合則伐之陳為楚圍則救之鄭宋交攻晉楚日戰究至蕭魚會而鄭服公子貞再侵而宋安悼公不可不謂善屈楚也楚敗于鄢乘厲公之弑欲肆憑陵而悼公復伯無以難晉乃日逞兵于宋鄭陳三國以覬撓晉縱不大勝得示無弱足矣敗于鄢而殺側諸侯城鄭虎牢而殺申陳叛而殺壬夫八年之中殺其三卿楚誠不刑然積忿封疆

施刑貴戚務在兵強而法行不顧其忍也嬰齊伐吳喪其組練遇心疾而卒亦有惕于子反之死乎楚共督其臣之致力于師也期畢命焉雖不敢正向晉而歲以兵見無非為鄢之役倣也春秋二百四十二年中國勝楚者唯城濮鄢陵二戰城濮之戰文公持勝而動尚有憂色鄢之戰晉無成謀呂錡射共王中目薄楚于險危幸致勝晉厲不能居也楚持其常不敗者以當晉之倖一勝者即悼公三駕楚不重困無莊王之大度而有成王之老謀其人不死固中國一勁敵哉

康王

名昭共王子襄十四年即位二十八年卒在位十五年謚法安樂撫民曰康

襄十左傳

吳侵楚養由基奔命子庚以師繼之戰于庸浦大敗吳師獲公子黨鄭良霄太宰石栗猶在楚楚人歸之

十四年秋楚公子貞帥師伐吳

左傳

楚子囊還自伐吳卒將死遺言謂子庚必城郢

十五左傳

楚公子午為令尹公子罷戎為右尹薦子馮為大司馬公子橐師為右司馬公子成為左司馬屈到為莫敖公子追舒為箴尹屈蕩為連尹養由基為宮廐尹以靖國人君子謂楚於是乎能官人

十八年冬楚公子午帥師伐鄭

二十二年秋蔡殺其大夫公子燮蔡公子履出奔楚陳

侯之弟黃出奔楚

二十左傳

夏楚子使鬻子馮為令尹訪於申叔豫叔豫曰國多寵而王弱國不可為遂以疾辭乃使子南為令尹

秋晉欒盈出奔楚

二十二年冬楚殺其大夫公子追舒

二十三年夏陳侯之弟黃自楚歸于陳

二十四年夏楚子伐吳冬楚子蔡侯陳侯許男伐鄭陳

鍼宜咎出奔楚

二十五年秋楚屈建帥師滅舒鳩

左傳 楚薦掩為司馬子木使庀賦數甲兵既成以授子木禮也

十二月吳子遏伐楚門于巢卒

左傳 楚子以滅舒鳩賞子木辭曰先大夫薦子之功也以與薦掩

二十左傳 六年

楚子秦人侵吳及雩婁聞吳有備而還遂侵鄭五月至于城麋鄭皇頡戌之出與楚師戰敗穿封戌囚皇頡公子圍與之爭之正于伯州犂伯州犂曰請問于囚乃立囚伯州犂曰所爭君子也其何不知上其手曰夫子為王子圍寡君之貴介弟也下其手曰此子為穿封戌方城外之縣尹也誰獲子囚曰頡遇王子弱焉戌怒抽戈逐王子圍弗及楚人以皇頡歸印董父與皇頡戌城麋楚人囚之以獻

於秦鄭人取貨於印氏以請之子太叔為令正以為請子產曰不獲受楚之功而取貨于鄭不可謂國秦不其然若曰拜君之勤鄭國微君之惠楚師其猶在敝邑之城下其可弗從遂行秦人不予更幣從子產而後獲之初楚伍參與蔡太師子朝反其子伍舉與聲子相善也伍舉娶于王子牟王子牟為申公而亡楚人曰伍舉實送之伍舉奔鄭將遂奔晉聲子將如晉遇之於鄭郊班荆相與食而言復故聲子曰子行也吾必復子及宋向戌將平晉楚聲子通使于晉還如楚令尹子木與之語且曰椒舉今在晉矣晉人將與之縣以此叔向彼若謀害楚國豈不為患子木懼言諸王益其祿爵而復之聲子使椒鳴逆之

八月壬午許男甯卒于楚 楚子蔡侯陳侯伐鄭

二十七年 夏叔孫豹會晉趙武楚屈建蔡公孫歸生衛石

惡陳孔奐鄭良霄許人曹人于宋 秋七月辛巳

豹及諸侯之大夫盟于宋

左傳

楚遠罷如晉蒞盟晉侯享之將出賦既醉叔向曰遠氏之有後于楚國也宜哉

二十八年冬十有一月公如楚 乙未楚子昭卒

左傳

楚屈建卒趙文子喪之如同盟禮也

邲敖

名熊麋康王子襄二十九年即位昭元年弒在位四年喪于邲故曰邲楚人謂未成君為敖

襄二十九年春王正月公在楚

左傳

夏四月葬楚康王公及陳侯鄭伯許男送葬至于西門之外諸侯之大夫皆至于墓楚邲敖即位王子圍為令尹鄭行人子羽曰是謂

不宜必代之昌松栢之下其草不確

夏五月公至自楚

三十三年春王正月楚子使遠罷來聘

左傳

楚公子圍殺大司馬蔣掩而取其室申無宇曰王子必不免

三十一年

衛侯在楚北宮文子見令尹圍之威儀言於衛侯曰令尹似君矣將有他志雖獲其志不能終也

昭元年春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人曹人

子號 冬十有一月巳酉楚子麋卒 楚公子比

出奔晉

靈王

名圍共王子弒兄子邲敖自立改名虔昭二年即位十三年弒在位十二年謚法亂而不損曰靈

昭三左傳

十月鄭伯如楚子產相楚子享之賦吉日既享子產乃具田備王以田江南之夢

四年夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申 楚人執徐

子 秋七月楚子蔡侯陳侯許男頓子胡子沈子

淮夷伐吳執齊慶封殺之遂滅賴

左傳

春王正月許男如楚楚子止之遂止鄭伯復

田江南許男與焉使椒舉如晉求諸侯二君待之椒舉致命曰寡君使舉曰日君有惠賜盟于宋曰晉楚之從交相見也以歲之不易寡君願結驩於二三君使舉請間君若苟無四方之虞則願假寵以請於諸侯晉侯欲勿許司馬侯曰不可乃許楚使椒舉遂請昏晉侯許之 冬吳伐楚入棘櫟麻以報朱方之役楚沈尹射奔命於夏汭箴尹宜咎城鍾離遠啟疆城巢然丹城州來東國水不可以城彭生罷賴之師

五年春楚殺其大夫屈申 冬楚子蔡侯陳侯許男頓

子沈子徐人越人伐吳

左傳

晉韓宣子如楚送女叔向為介

六年秋楚遠罷帥師伐吳 冬叔弓如楚

左傳

六月楚公子棄疾如晉報韓子也

春秋列國論 卷十二
七年春三月公如楚

左傳

楚子之為令尹也為王旌以田芊尹無宇斷之曰一國兩君其誰堪之及即位為章華之宮納亡人以實之無宇之闢入焉無宇執之夏楚子享公子于新臺使長鬣者相好以大屈既而悔之遠啟疆聞之見公公語之拜賀公曰何賀對曰齊與晉越欲此久矣寡君無適與已而傳諸君君其備禦三隣慎守寶矣敢不賀乎公懼乃反之

八年夏楚人執陳行人于徵師殺之 冬十月壬午楚

師滅陳執陳公子招放之于越殺陳孔奐

九年春叔弓會楚子于陳

十年夏四月丁巳楚子虔誘蔡侯般殺之于申 楚

公子棄疾帥師圍蔡 冬十有一月丁酉楚師滅

蔡執蔡世子有以歸用之

左傳

楚子城陳蔡不羹使棄疾為蔡公

十二年春楚殺其大夫成熊 秋楚子伐徐

十三年夏四月楚公子比自晉歸于楚弑其君虔于乾

谿 楚公子棄疾殺公子比

楚康弱王也而能官人當其世為令尹者盡賢者也

公子午卒則用遠子馮遠子馮卒則用屈建成稱卿

才足以靖國惟公子追舒睭觀起而惡于國人康王

三泣其子遂殺于朝春秋列國楚號多才公族尤顯

春秋列國論卷十二
其法親疎參用執國政者一千衆怒立拘司敗不若
魯三家晉六卿之世怙其寵也法行自近政不下移
是故大夫之患惟楚無之屈建尹楚善宋向戌戍以
弭兵請晉有宋之盟楚竟與晉同爲中國會主從晉
之諸侯皆朝于楚是舉也于宋爲利于晉爲辱在楚
則四方之觀百世之福也成王雖強莊王雖賢圖之
數十年戰秦晉爭宋鄭未得一號令北方而康王兵
不出境奄有諸侯會盟之序又居晉先外以恤民爲
名而天下大勢盡移于楚楚大臣善謀國如建者卽
子文叔敖弗如也康王卒邲敖立楚公子圍聘于鄭

遂會于虢尋宋之盟以大夫出聘爲妻而行敢合諸
侯無改舊書楚仍先晉趙武不能出片辭折之使重
得志爲國厚耻不知其義何所處也圍爲令尹田用
王旌出前執戈會設蒲宮享賦大明雖未王其威儀
已王矣無何卽弑王而代之大會于申以召諸侯淮
夷並從伐吳滅賴皆用四方之師曩者宋之盟諸侯
欲弭兵也兵未得弭而反供夷役晉倒授楚以柄諸
侯自爲計者失也齊慶封齊亂臣也執諸吳而滅其
族陳公子招殺其世子偃師者也執而放之越蔡侯
般弑其君固而自立者也誘而殺之申不數年間殄

滅三亂非不以義號衆然慶封陳招罪不加于篡弑
蔡般弑君矣十三年而會主不問楚自庇之也一旦
以賊誅賊猶之兩下相殺而已矣楚克朱方將戮慶
封椒舉曰無瑕者可戮人君其勿播于諸侯也靈王
不聽徇于軍中曰有若齊慶封弑其君者乎慶封亦
曰有若楚公子圍弑其兄之子而代爲君者乎軍人
粲然皆笑夫懷惡而討雖死不服陳招蔡般豈獨服
乎是又一慶封也伐吳而滅賴伐陳而滅陳圍蔡而
滅蔡又用蔡世子于岡山比之五牲春秋不仁之君
未有甚於楚靈者也康王之世伐吳者二庸浦則楚

勝臯舟則吳勝然巢隕諸樊闞戕戴吳吳少挫矣靈
王三伐吳而鵠岸房鍾楚人兩敗陳蔡旣滅中國可
圖懼吳乘其後乃伐徐以脅之將求鼎于周求昆吾
舊許之田惟楚命也而忽辱于軋谿縊邾敖而弑之
身亦自縊也殺邾敖之二子比與棄疾亦殺其二子
也昔詬天而呼今投車而泣方欲追踪六王二公而
禍更烈於三季論世者曰楚靈之軋谿隋廣之江都
金亮之瓜步三者蓋相類焉

平王

名棄疾卽位改名熊居共王子靈王季弟

十三年脅立兄公子比弑靈王旣而殺比
自立昭十四年卽位二十六年卒
在位十二年謚法治而無青曰平

昭十年秋蔡侯廬歸于蔡陳侯吳歸于陳

十四左傳 夏楚子使然丹簡上國之兵於宗丘使屈罷

簡東國之兵於召陵 楚令尹子旗有德于

王不知度與養氏比而求無厭王患之九月

甲午楚子殺鬬成然而滅養氏

之族使鬬辛居郢以無忘舊勳

十五年夏蔡朝吳出奔鄭

十六春楚子誘戎蠻子殺之

十七冬楚人及吳戰于長岸

十九左傳 春楚工尹赤遷陰于下陰令尹子瑕城郟叔

孫昭子曰楚不諸侯矣 楚子之在蔡也耶

陽封人之女奔之生太子建及即位使伍奢

為之師費無極為少師無寵焉故譖諸王曰

建可室矣王為之聘於秦無極與逆勸王取

之正月楚夫人羸氏至自秦 楚子為舟師

以伐濮費無極言于楚子曰大城城父而寘

大子焉 楚人城州來

沈尹戌曰楚人必敗

二十左傳 費無忌言於楚子曰建與伍奢將以方城之

外叛王信之執伍奢使城父司馬奮揚殺太

子未至而使遣之三月太子建奔宋無極曰

奢之子材盍以免其父召之必來伍尚歸

楚人皆殺之員如吳言伐楚之利於州于

二十冬蔡侯朱出奔楚

二十春宋華亥向寧華定自宋南里出奔楚

二十夏六月蔡侯東國卒于楚 秋七月戊辰吳敗

頓胡沈蔡陳許之師于鷄父胡子沈子逞滅獲陳

夏齧

春秋列國通記 卷十二 三十五

左傳

楚囊瓦為令尹城郢沈尹戊日子常必亡郢

二十左傳

楚子使蘧射城州屈復茄人焉城丘皇遷訾

五年

人焉使熊相祺郭巢季然郭卷

二十

六年

秋九月庚申楚子居卒

昭王

名壬後改名軫平王子昭二十七年即位

哀六年卒在位二十七年謚法昭德有勞

昭曰

昭二十七年

夏楚殺其大夫郤宛

左傳

九月己未子常殺費無極與鄢將師盡滅其族

以說于國謗言乃止

定二年

秋楚人伐吳

三年

左傳

蔡侯如晉以其子元與其大夫之子為質焉

而請伐楚

四年

春三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏于召陵侵楚 秋楚人圍蔡 冬十

有一月庚午蔡侯以吳子及楚人戰于柏舉楚師

敗績楚囊瓦出奔鄭

五年

左傳

申包胥以秦師至吳師大敗楚子入于郢

十四年

二月辛巳楚公子結陳公孫佗帥師滅頓以頓

子牂歸

十五年二月辛丑楚子滅胡以胡子豹歸

哀元年春楚子陳侯隨侯許男圍蔡

四年夏晉人執戎蠻子赤歸于楚

六年秋七月庚寅楚子軫卒

惠王名章昭王子哀七年卽位在位五十七年卒謚法柔質慈民曰惠

哀九年夏楚人伐鄭

十年冬楚公子結帥師伐陳吳救陳

十三年夏楚公子申帥師伐陳

左傳

哀十四年夏陳宗豎出奔楚冬陳宗豎自楚復入于陳陳人殺之陳轅買出奔楚十六年楚太子建子勝作亂秋七月殺子西

子期于朝而劫惠王葉公攻白公白公奔山而縊

十七年秋七月己卯楚公孫朝帥師滅陳十八年三月楚公孫寧吳由于遠固敗巴師

于鄆故封子國於析十九年春越人侵楚以誤吳也夏楚公子

慶公孫寬追越師至真不及乃還秋楚沈諸梁伐東夷三夷男女及楚師盟于敖

楚靈弑郟敖公子比卽出奔晉十餘年來未嘗一日

立于其朝也靈王惡稔觀從朝吳以蔡公棄疾之命

召子比黑肱盟于鄧帥陳蔡不美許葉之師因遠掩

許圍遠居蔡洧之族以入楚靈王出奔縊于申亥氏

子比爲王觀從說其殺棄疾不聽棄疾驚國人以恐

之子比黑肱自殺棄疾卽位是爲平王司馬遷曰平

王以詐弑兩王而自立蓋實錄也平初立蔡侯廬歸于蔡陳侯吳歸于陳廬世子有之子吳世子偃師之子既絕而復深懲楚靈之惡託義于興滅也終其世惟誘殺戎蠻子嘉與吳戰于長岸不免用兵然蠻氏易亂擾在北方吳師遠來危壓東境為國行師雖詐不疾君子取其無病中國而已史記云平王弑立恐國人諸侯叛之施惠百姓復陳蔡立其後歸鄭侵地存恤國中脩政教與左氏所謂簡兵息民五年後戰其詞同也雖然亂生于外王能以權道制之讒生于內王即有五利去五難不及察也費無極太子建之

少師楚之佞人也平王信之為逐朝吳出蔡侯朱喪太子建誅連尹奢甚而問太子何以出曰白王為太子聘于秦女好無極勸王自娶之生子軫乃惡太子而欲殺之猶衛風之賦新臺賦乘舟者也夫父子天性之親男女人倫之首自平王亂之天下之籩條戚施也視靈王行加穢焉享國令終即身死寧無患乎昭王以秦女之子弱少當國即位以來歲罷于吳又寵費無極而殺郤宛信囊瓦而辱唐侯蔡侯蔡侯請于晉以伐楚晉不能而訴之吳吳人長驅五戰入郢君臣以班處宮壞宗廟徙陳器伍胥撻平王之墓曰

報○其○子○不○及○其○身○則○莫○釋○予○怨○也○王○藉○秦○救○得○反○其○
 國○滅○頓○而○執○頓○子○牂○滅○胡○而○執○胡○子○豹○帥○三○國○之○君○
 圍○蔡○而○蔡○人○男○女○以○辨○戎○蠻○子○赤○奔○晉○陰○地○而○還○為○
 楚○俘○休○養○數○年○耀○兵○四○境○自○矜○能○武○終○不○敢○一○矢○加○
 吳○慰○先○君○于○地○下○迨○吳○圍○陳○而○出○救○之○竟○卒○于○城○父○
 王○曰○吾○死○讐○乎○讐○如○故○也○惠○王○行○事○春○秋○不○詳○其○所○
 致○力○惟○在○伐○陳○滅○而○縣○之○強○于○昭○王○矣○然○白○公○勝○之○
 亂○殺○子○西○子○期○劫○王○如○高○府○幾○及○于○弑○葉○公○討○之○乃○
 定○太○子○建○亡○人○也○白○公○其○種○也○父○失○位○而○死○子○懷○忿○
 而○亂○可○謂○非○平○王○所○貽○乎○楚○入○春○秋○弑○君○屢○見○穆○之○
 罪○彰○於○成○平○之○詐○隱○於○靈○罪○彰○者○著○於○大○書○詐○隱○者○
 僂○于○身○後○嗚○呼○此○皆○伯○討○者○所○佚○也○

春秋列國論卷十二終

春秋列國論卷之十三目錄

秦

文公寧公出子武公德公宣公成公穆公論

康公論

其公桓公論

景公哀公惠公悼公論

右論四則

本論四限

景公哀公惠公與公儲

其公儲公儲

秦公儲

文公寧公出千左公儲公宣公與公儲公儲

秦

春秋列國論卷之十三目錄

春秋列國論卷十三

明 婁東張溥西銘父著

秦

嬴姓伯爵出自顓帝裔孫女脩子大業生大費與

禹平水土佐舜調馴鳥獸賜姓嬴以所居於嬴故

也是為伯爵十九世孫非子居犬丘為周孝王王

馬汧渭間馬大蕃息孝王分為附庸邑秦谷續嬴

氏祀號曰秦嬴天水隴西縣秦亭是也今鞏昌府

秦州有秦亭秦谷鳳翔府隴州南三里有秦城即

非子所居秦嬴生秦侯秦侯生公伯公伯生秦仲

宣王以為大夫始有車馬禮樂侍御之好後誅西戎不克見殺長子莊公破西戎為西垂大夫莊公生襄公周幽王犬戎亂將兵救周送平王東遷有功封為諸侯有周岐豐地子文公營邑汧渭四十四年入春秋後悼公十年獲麟後九世孝公伯其子惠文君自號為王至始皇并天下二世而亡自非子後莊公居太丘即槐里今西安府興平縣東南寧公遷平陽今鳳翔府郿縣世記以為出公德公遷雍扶風雍縣今鳳翔縣獻公遷櫟陽西安府臨潼縣北孝公遷咸陽今縣屬西安府皆本於秦谷故號秦焉

文公

襄公子四十四年入春秋隱七年卒在位五十年諡法慈惠愛民曰文

寧公

文公太子靖公之長子年十歲隱八年即位始徙居平陽桓八年卒在位十二年諡

法寧安也

桓三左傳

冬芮伯萬之母芮姜惡芮伯之名寵人也故

逐之出居于魏

桓四左傳

秋秦師侵芮敗焉小之也冬王師秦師圍魏

執芮伯以歸

出子

寧公少子寧公卒大庶長弗忌威壘三父廢太子而立之年五歲桓九年即位

六年復為三父等弑

桓十左傳

秋秦人納芮伯萬于芮

武公

寧公長子桓十五年三父等令人賊殺出
子復立之居平陽封宮即位三年誅三父
等以其殺出子故也莊十六年卒在位二
十年初以人從死其子白不立封平陽立
其弟德公諡法
克定禍亂曰武

德公

寧公中子出子同母兄武公弟莊十七年
即位初徙居雍在位二年卒諡法緩柔士
民曰

宣公

德公長子莊十九年即位莊三十年
卒在位十二年諡法施而不成曰宣

成公

德公中子宣公卒子九人莫適立乃立其
弟莊三十一年即位閔二年卒在位四年
諡法安民
立政曰成

穆公

名任好德公少子成公卒其子七人莫適
立乃立其弟僖元年即位文六年卒在位
三十九年諡法
布德執義曰穆

僖九左傳

晉郤芮使夷吾賂秦以求入曰人實有國我
何愛焉入而能民士於何有從之齊隰朋帥
師會秦師納晉惠公秦伯謂郤芮曰公子誰
恃對曰臣聞亡人無黨有黨必有讐夷吾弱
不好弄能鬪不過長亦不改不識其他公謂
公孫枝曰夷吾其定乎對曰臣聞之唯則定
國詩曰不識不知順帝之則文王之謂也又
曰不僭不賊鮮不為則無好無惡不忌不克
之謂也今其言多忌克難哉公曰忌則多怨
又焉能克
是吾利也

十三左傳

冬晉荐饑使乞糴于秦秦伯謂子桑與諸乎
對曰重施而報君將何求重施而不報其民
必攜攜而討焉無衆必敗謂百里與諸乎對
曰天災流行國家代有救災卹鄰道也行道
有福平鄭之子豹在秦請伐晉秦伯曰其君
是惡其民何罪秦於是乎輸粟于晉
自雍及絳相繼命之曰汎舟之役

十四左傳

冬秦饑使乞糴于晉晉人弗與慶鄭曰背施無親幸災不仁貪愛不祥怒鄰不義四德皆失何以守國魏射曰皮之不存毛將安傅慶鄭曰棄信背鄰患孰恤之無信患作失援必斃是則然矣魏射曰無損於怨而厚於寇不如勿與慶鄭曰背施幸災民所棄也近猶讐之况怨敵乎弗聽退曰君其悔是哉

十五年冬十有一月壬戌晉侯及秦伯戰于韓獲晉侯

十八左傳

梁伯益其國而不能實也命曰新里秦取之

十九冬梁亡

二十八年夏四月巳巳晉侯齊師宋師秦師及楚人戰于

城濮楚師敗績冬公會晉侯齊侯宋公蔡侯鄭

伯陳子莒子邾子秦人于溫諸侯遂圍許

二十九夏六月會王人晉人宋人齊人陳人蔡人秦人

盟于翟泉

三十秋晉人秦人圍鄭

三十三年春王二月秦人入滑夏四月辛巳晉人及姜

戎敗秦于殽

文元左傳

役之役晉人既歸秦帥秦大夫及左右皆言于秦伯曰是敗也孟明之罪也必殺之秦伯曰是孤之罪也周芮良夫之詩曰大風有隧貪夫敗類聽言則對誦言如醉匪用其良覆俾我悖是貪故也孤之謂矣孤實貪以禍夫子夫子何罪復使為政

二年春王二月甲子晉侯及秦師戰于彭衙秦師敗績

冬晉人宋人陳人鄭人伐秦于道

三夏秦人伐晉

四秋晉侯伐秦

五夏秦人入郟

六左傳秦伯任好卒以子車氏之三子奄息仲行鍼

虎為殉皆秦之良也國人哀之為之賦黃鳥

秦穆公即位之元年即魯僖公元年也時齊桓公已立四十餘年為中國霸主久盟會征伐未嘗及秦至僖公十五年秦伯獲晉侯始書於經明年齊桓卒又八年晉文興春秋之作為無王也無王則思霸齊晉

之際一霸亡一霸興苟一日而無霸則天下胥而為夷曠八年而復有霸者秦穆公之為也晉獻公惑於驪姬殺申生逐夷吾重耳身沒而國亂里克殺奚齊弑卓子荀息死焉其事皆在桓霸盛時何以置不問也葵丘之盟曰無易樹子無以妾為妻以二者責諸侯孰有當討如晉獻者而桓公不能曰公有內嬖如夫人者六人姑姊妹不嫁者在宮中也桓既不能正晉之君而使群公子無亂即不能正晉之臣而使里克無弑傳言晉納惠公周公忌父王子黨會齊隰朋立之秦為主而齊奉之非霸命也秦穆夫人晉獻公

女申生姊也。昏姻之故，晉國有難，義則無辭。既納惠公，又輸之。思公背施，幸災有韓之戰，秦獲惠而赦之。惠公卒，復納重耳，一戰于城濮，晉文遂霸。會于温，而圍許，盟于翟泉，而謀鄭。秦無不悉心，以從晉國。無君而有君，中國無霸而有霸，惟秦是賴。是故秦穆非伯主也，後世亦謂之伯者，以其定晉之亂，成文之霸。尊周，敗楚，中國再振，齊桓所不能為者，而秦穆為之。雖謂之霸，可也。圍鄭之役，秦悅燭之武之言，私與鄭盟。晉文方薨，杞子開釁，潛師入滑，晉襄墨而治兵，敗之于殽，獲百里孟明視、西乞術、白乙、丙釋而歸之。秦

未輯也。又敗之彭衙，穆公悔過，然後伐晉。濟河焚舟，取王官及郊，晉人不出，遂自茅津濟，封殽尸而還。秦之與晉也，再世為姻，兩納其主，諸侯相親，莫有過焉。使圍鄭之時，哀其既服，以好喻晉，各弛兵反國，盟言無渝，四鄰交睦，仁昭義著，在斯役也。若生同事而挾貳，死乘危而伐喪，則非晉所以望秦也。然而春秋終不絕秦者，何曰其伐晉也可誅，其成晉也可怨。左氏於秦納文公出入，必志蓋仁之也。穀梁子曰：秦之為狄，自殺之戰始，殺以前，春秋其忍狄秦乎？穆作秦誓，悔用人之失，而不省伐晉之過，豈謂秦實有大德，晉

春秋列國論卷十三
不忘小怨。歿而用兵。無悛心焉。是則穆公之短也。

康公名罃穆公子文七年即位十八年卒在位十二年謚法安樂撫民曰康

文七年夏四月戊子晉人及秦人戰于令狐晉先蔑奔

秦

九年冬秦人來歸僖公成風之襚

十年夏秦伐晉

十二年秋秦伯使術來聘冬十有二月戊午晉人秦

人戰于河曲

十六年秋楚人秦人巴人滅庸

十八年春秦伯罃卒

余讀秦風至于渭陽未嘗不歎康公之厚也康公母
晉獻公女也文公以驪姬出奔未反而秦姬卒穆公
納文公為晉君康公時為太子贈送文公至渭水之
陽念母不見舅歸也見舅氏如母存焉及即位作渭
陽之詩凡二章曰至渭陽送之遠也悠悠我思思之
長也路車乘黃瓊瑰玉佩贈之厚也至今說詩者猶
曰康公能念母也乃即位以來令狐之役武城北徵
之師河曲之戰干戈日見此非舅氏之國與公何讎
之深也晉襄公薨太子幼國人欲立長君趙盾使先
蔑如秦逆公子雍康公以師納之襄夫人日抱太子

以啼于朝諸大夫畏逼乃背先蔑立靈公盾將中軍
禦秦敗之于令狐晉人求君于秦又變計而擊秦曲
實在晉卽譏秦者惡其強納猶宋襄公之納齊孝公
抑爲罪也薄矣明年伐晉取武城春秋始惡之削而
不書再踰年春晉人伐秦取少梁夏秦伯伐晉取北
徵則直書秦伐晉比之于狄秦風無衣之詩刺用兵
也豈曰無衣不與民同欲也脩我戈矛好攻戰也魯
文公十二年秋秦伯使西乞術來聘言將伐晉冬秦
晉遂戰河曲用兵亟矣是故秦風之無衣唐風之葛
生也或曰文公在位十八年秦人歸襚來聘兩得見

書秦亟通魯魯亦亟予秦未聞以伐晉貶也然楚子
使越椒來聘春秋書焉秦亦楚類非特筆也春秋之
待夷狄也有禮則進之無禮則退之伐晉而狄秦所
以退也書歸僖公成風之襚書術來聘所以進也秦
風十篇康公居四渭陽而下無衣晨風權輿皆刺詩
也以渭陽之恩厚一變而爲無衣以多徒衛送公子
雍于晉一變而爲令狐之戰皆康公之不終也秦繆
公賢君也其卒不書康公卒書者與魯通好故也然
秦自此日大矣于詩次秦風于書列秦誓于春秋具
君大夫繼周者其秦乎聖人知之不能禁之也

共公名稻康公子宣元年即位四年卒

宣元年 冬晉趙穿帥師侵崇

二年 春秦師伐晉

四年 春秦伯稻卒

桓公名雍共公子宣五年即位成十四年卒

宣八年 夏晉師白狄伐秦

十五年 夏秦人伐晉

成二年 冬十有一月丙申公及楚人秦人宋人陳人衛

人鄭人齊人曹人邾人薛人鄆人盟於蜀

九年 冬秦人白狄伐晉

十一年 左傳

秦晉為成將會於令狐晉侯先至焉秦伯不肯涉河次于王城使史黶盟晉侯於河東郤犇盟秦伯於河西范文子曰是盟也何益齊盟所以質信會所信之始也始之不從其何質乎秦伯歸而背晉成

十三年 夏五月公自京師遂會晉侯齊侯宋公衛侯鄭

伯曹伯邾人滕人伐秦

十四年 冬秦伯卒

秦共公在位五年伐晉者一桓公在位二十七年伐

晉者二秦晉不睦蓋世世矣共公之伐晉也以趙穿

侵崇故穿之謀曰我侵崇秦必救之我求成焉夫求

成於人而以兵臨其與國是速之寇非繼好也魯文

公三年楚人圍江晉陽處父帥師伐楚以救江楚兵
 解廼還雖未得志於救之術猶有善焉崇小國僻在
 秦東相去二百餘里非秦所急無故侵之而強秦以
 成秦必不許宜其明年而伐晉也秦晉自河曲之戰
 休兵七年疆場無警趙盾執政穿欲立功於外以威
 國人盾又聽之而與秦為難誅意者因用兵之隙疑
 無將之漸不得不怨秦而危晉矣共公短世桓公嗣
 位晉成之立亦六年於茲脩好釋怨蓋其時也晉結
 白狄以伐秦謀國者之再失也狄處西河界秦晉之
 間厥性不恒晉能結以伐秦秦亦能結以伐晉是故

晉成之時白狄為晉用晉景之時白狄為秦用不可
 以昏姻恃也且秦桓自輔氏敗後漸與楚合復通好
 於魯蜀之盟秦右大夫說與焉與楚公子嬰齊並序
 諸侯之上列國諸臣莫敢先也徘徊八年窺諸侯有
 貳遂同白狄伐晉彼和強楚交中國而專圖晉也非
 一日矣晉景公薨厲公新立將會令狐與秦成也秦
 伯不肯涉河僅與卻犇盟于河西歸即背成要盟無
 益范文子其知之矣晉積憤於秦諸侯從之麻隧一
 戰秦師敗績明年秦伯薨晉之能自立也易四君而
 秦不得逞未必非諸大夫力也晉侯使呂相絕秦也

春秋列國論卷十三
以殺之師責穆公以令狐河曲責康公以輔氏之聚
令狐之會責桓公其辭也文秦無以應而左傳又據
三事以正秦罪曰秦桓公既與晉厲公為令狐之盟
而又召狄與楚欲道以代晉諸侯是以睦於晉雖秦
曲晉直經無明文傳之意固予晉勝而樂秦敗也秦
晉密邇勢均不下秦之共桓與晉之靈成景厲其政
兄弟也晉欲求成而先加以師秦既從盟而即背其
成兵端未有已也春秋於其戰伐之際姑書其畧而
已矣

景公

桓公子成十五年即位昭五年卒
在位四十年謚法者意大慮曰景

襄九左傳

夏秦景公使士雅乞師于楚將以伐晉楚子
許之秋楚子師于武城以為秦
援秦人侵晉晉饑弗能報也

十夏晉師伐秦

十冬秦人伐晉

十二冬楚公子貞帥師侵宋

左傳

秦嬴歸于楚楚司馬子庚聘于秦為夫人寧
也禮

十四夏四月叔孫豹會晉荀偃齊人宋人衛北宮括

鄭公孫蠆曹人莒人邾人滕人薛人杞人小邾人
伐秦

十九左傳 於四月丁未鄭公孫蠆卒赴于晉大夫范宣

子言于晉侯以其善于伐秦也六月晉侯請于王王追賜之大路使以行禮也

二十左傳 會于夷儀之歲齊人城郊其五月秦晉為成

晉韓起如秦泄盟秦伯車如晉泄盟成而不結秦伯之弟鍼如晉脩成

昭元 夏秦伯之弟鍼出奔晉

五年 秋秦伯卒

六年 春葬秦景公

哀公 景公子昭六年即位定九年卒在位三十六年

九年 秋秦伯卒 冬葬秦哀公

惠公 哀公孫大子夷公子夷公早死不得立乃立之宣十年即位九卒謚法柔質

慈民曰惠

三年 冬十月癸卯秦伯卒

四年 葬秦惠公

悼公 惠公子哀四年即位十年卒謚法肆行勞祀曰悼

秦景公即位之十三年使士雅乞師于楚子囊言晉

不可敵止楚子勿許楚子弗善也明年晉師伐秦又

明年秦人伐晉晉敗于櫟乃大會齊魯宋衛鄭曹邾

莒滕薛杞小邾起而伐秦時晉悼公復霸之十四年

也晉秦爭兵七十年釁兆于圍鄭怨結于敗殺禍稔

于三戰大舉于九國之伐而是役終焉文伯以來合

諸侯之師未有衆多若是者也。然十三國之卿大夫帥重兵臨敵，濟涇無功，僅成遷延之役。繇荀偃專命，欒黶擅還，列國亦怠惰不恭，而晉悼不能有爲也。文公謀伯先親秦穆，資其力以敗楚于城濮，朝天王，令諸侯天下服從，圍鄭之役，秦穆反與鄭盟，使杞子逢孫揚孫戍之，乃還。子犯請擊秦，文公不可，其因秦者重，專用以制楚，而匡中國，非獨懷其紀綱，送衛之德也。殽戰以後，秦晉世讎，秦桓公遂棄晉，附楚同盟于蜀，及景公與楚昏媾，妹爲楚共夫人，相結伐晉，悼公圖復霸業，失秦大援，終不能盛創楚，以威四方，計之

失也。應心悔之，迨合十三國伐秦不成，伐而遽罷，雖將帥異心，進退無統，抑晉之報秦其志少懈矣。晉旣不急報秦，秦亦閉關自守，終春秋之世，不與晉爭據關河四塞，蓄威養銳，內脩耕稼之政，外候中國之變。後世子孫卒并天下，未必不肇基于此也。秦鍼桓公子景公，毋弟也。景三十年，秦晉爲成，鍼如晉，涖盟，成而不結，明年又往脩成，秦務內治而和晉，重以毋弟求好勤矣。久之，鍼出奔晉，避君忌，恃鄰好也。然楚公子比是年亦奔晉矣，暨乎晉昭奉之以入弒其君，虔于乾谿，竟亂強楚，鍼不爲秦患者，幸而晉平無能，忒

春秋列國論卷十三
非鄭莊秦景卽世速反故國耳不然挾車千乘大國
輔之鮮有不爲宋馮者也秦哀之時楚平王爲太子
建求女于秦至國自娶之而秦不怒吳入郢申胥告
急秦發五百乘救楚敗吳師昭王復國秦厚楚甚功
楚深而經不書以爲無與乎諸夏也

春秋列國論卷十三終

春秋列國論卷之十四目錄

吳

壽夢諸樊餘祭餘昧王僚闔廬論

夫差論

右論二則

春秋列國論卷之十四目錄

春秋列國論卷十四

明 婁東張溥西銘父著

吳

姬姓子爵出自周太王長子太伯與其弟仲雍避

少弟季歷賢而有聖子去之荆蠻號曰勾吳勾者發語

詞也如勾越非地名端委以治周禮荆蠻義之歸者千餘家

立以為君長為吳太伯卒無子仲雍嗣立斷髮文

身羸以為飭遂不通中華仲雍卒子季簡立季簡

卒子叔達立叔達卒子周章立是時武王克殷求

太伯仲雍之後得周章已君吳矣從而封之為吳

子追封太伯為吳伯又別封周章弟虞仲于虞城
周章卒子熊遂立熊遂卒子柯相立柯相卒子彊
鳩夷立彊鳩夷卒子餘橋疑吾立餘橋疑吾卒子
柯盧立柯盧卒子周繇立周繇卒子屈羽立屈羽
卒子夷吾立夷吾卒子禽處立禽處卒子轉立古史
考作轉卒子頗高立史考作頗高卒子句卑立史考
軫是時晉獻滅虞句卑卒子去齊立去齊卒子
壽夢立吳始大而稱王成七年始見春秋後至夫
差為越滅

春秋列國論 卷十四

吳東夷傳西施文萃

姒姓出自夏后氏苗裔少康之庶子封於會稽以
奉禹祀文身斷髮自號於越於越者夷言發聲也
其地越州城是也濱在南海不與中國通後二十
餘世允常魯定公五年始伐吳允常卒子句踐立
是為越王越王元年定十四年也哀二十二年句
踐滅吳伯中國後七世至王無彊為楚威破殺之
盡取吳地至浙江越以此潰散諸族子爭立或為
王或為君服朝于楚後七世至閩君搖佐諸侯平
秦吳越春秋曰少康恐禹墓之絕祀乃封其庶子
于越號曰無余隋陸陵而耕種逐禽獸而給食
壽夢又名乘成六年即位
在位二十五年卒

成七年 春吳伐郟 秋吳入州來

十五年 冬十有一月叔孫僑如會晉士燮齊高無咎宋

華元衛孫林父鄭公子鱘邾人會吳于鍾離

襄三年 春楚公子嬰齊帥師伐吳

五年 夏仲孫蔑衛孫林父會吳于善道 秋公會晉侯

宋公陳侯衛侯鄭伯曹伯莒子邾子滕子薛伯齊

世子光吳人鄆人于戚

十年 春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柤

十二年 秋九月吳子乘卒

諸樊 又名遏壽夢子襄十二年即位十三年卒

襄十年 左傳 吳侵楚養由基奔命子庚以師繼之養叔曰

吳乘我喪謂我不能師也必易我而不戒子

為三覆以待我我請誘之子庚從之戰于庸

浦大敗吳師獲公子黨君子以吳

為不弔詩曰不弔昊天亂靡有定

十四年 春王正月季孫宿叔老會晉士匄齊人宋人衛

人鄭公孫蠆曹人莒人邾人滕人薛人杞人小邾

人會吳于向 秋楚公子貞帥師伐吳

二十年 夏楚子伐吳 二十二年 冬十有二月吳子遏伐楚門于巢卒

餘祭 又名戴吳諸樊弟壽夢子襄二十六年即位四年弒

襄二十九年 夏閏弒吳子餘祭 吳子使札來聘

夷昧 又名餘昧又句餘壽夢子餘祭弟 襄三十年即位 在位十七年卒

襄三左傳 吳子使屈狐庸聘于晉 通路也 趙文子問焉 曰延州來季子其果立乎 巢隕諸樊闞戕戴

吳天似啓之何如 對曰不立 是二王之命也 非啟季子也 若天所啓 其在今嗣君乎 甚德

而度德不失 民度不失 事民親而事有序 其 天所啟也 有吳國者必此君之子孫 實終之 季子守節者也 雖有國不立

昭四 秋七月 楚子蔡侯陳侯許男頓子胡子沈子淮

夷伐吳 執齊慶封 殺之

夷伐吳 執齊慶封 殺之

左傳

冬 吳伐楚 入棘櫟 麻以報朱方之役 楚沈尹 射奔命于夏 洩箴尹宜咎 城鍾離 遠啟疆 城 巢然 丹城州來 東國水不可以城 彭生罷賴

師之

五年 冬 楚子蔡侯陳侯許男頓子沈子徐人越人伐吳

六年 秋 楚遠罷帥師伐吳

十三年 冬 吳滅州來

十五年 春 王正月 吳子夷末卒

王僚 又名州于夷末子 昭十 六年即位 在位四年 弒

昭十七年 冬 楚人及吳戰于長岸

十九左傳 令尹子瑕言蹶由於楚子曰彼何罪 諺所謂 室於怒市於色者 楚之謂矣 舍前之忿可也 乃歸蹶由

昭十七年 冬 楚人及吳戰于長岸

二十三年 秋 七月 戊辰 吳敗頓胡沈蔡陳許之師于雞父

春秋列國論 卷十四 吳越

胡子髡沈子逞滅獲陳夏齧

左傳

楚太子建之母在郢召吳人而啓之冬十月甲申吳太子諸樊入郢取楚夫人與其寶器以歸楚司馬遠越追之不及將死衆曰請遂伐吳以徼之遠越曰再敗軍師死且有罪亡君夫人不可以莫之死也乃縊於遠滋

二十年冬吳滅巢

二十七年夏四月吳弒其君僚

闔廬初名光諸樊子僚從兄昭二

昭三十二年冬十有二月吳滅徐徐子章羽奔楚

左傳

吳子問於伍員曰初而言伐楚余知其可也而恐其使余往也又惡人之有余之功也今余將自有之矣伐楚何如對曰楚執政衆而

乖莫適任患若爲三師以肄焉一師至彼必皆出彼出則歸彼歸則出楚必道敝亟肄以罷之多方以誤之既罷而後以三軍繼之必大克之闔廬從之楚於是乎始病

左傳

秋吳人侵楚伐夷侵潛六楚沈尹戌帥師救潛吳師還楚師遷潛于南岡而還吳師圍弦左司馬馬戍右司馬稽帥師救弦及豫章吳師還始用子胥之謀也

三十三年夏吳伐越

定二年秋楚人伐吳

四年冬十有一月庚午蔡侯以吳子及楚人戰于柏舉

楚師敗績楚囊瓦出奔鄭庚辰吳入郢

五年夏於越入吳

六年左傳

四月巳丑吳太子終纍敗楚舟師獲潘子臣小惟子及大夫七人楚國大陽懼亡子期又陵師敗于繁楊令尹子西喜曰乃今可為矣於是乎遷都於都改紀其政以定楚國

十四年夏五月於越敗吳于檣李吳子光卒

勾吳之大始自壽夢伐郟而兵連上國入州來而與楚爭強立二年而兵再見侈然有霸心焉鍾離之會晉厲公為主會吳者凡七國戚之會晉悼公為主會吳者凡十三國且鍾離未會以前景公先與諸侯同盟于蒲吳人不至厲公繼之逾五年而復會于鍾離戚未會以前悼公先與諸侯同盟于鷄澤使荀會往

逆吳子吳復不至逾二年再會先以魯衛二國往會善道而後會于戚吳來何緩晉求何急蓋為楚也魯成二年楚共圖霸蜀之盟諸侯咸震晉不敢問未幾而吳壽夢起登楚叛人伐楚附庸歲七奔命晉斯喜矣鍾離會而鄢陵有戰戚會而救陳有師晉惟結吳而後可逞于楚也迨會吳于柎十二國皆至而晉即因之以滅偃陽偃陽蓋吳入中國之要衝偃陽滅而吳晉通矣壽夢卒諸樊立復有向之會或曰謀伐楚或曰謀伐秦要之晉求吳非吳求晉也晉之會吳始于鍾離止于向會者凡四惟戚之會吳子因善道之

逆始一來會。其三會則皆晉往會也。來會則書法序。吳往會則書法殊。吳晉之事。吳則有禮矣。吳之遇晉則已泰矣。壽夢在位二十五年。春秋惟一書楚公子嬰齊伐吳。吳楚爭強之始也。楚克鳩茲。吳取楚駕鄧廖子重。二良復喪。楚雖伐吳。敗在楚矣。諸樊卽位。兩書楚伐。引師往報。門巢而卒。餘祭旣立。又遭閻殺。楚莊康之際。吳其衰乎。夷昧立。而楚靈率蔡陳許頓胡沈淮夷之師。翱翔入吳。執殺慶封。三年之內。三尋師焉。楚驕吳弱。宜若不敵。乃吳憤而滅州來。楚竟無以難也。夷昧卒。王僚立。有長岸之戰。吳兵始及楚矣。鷄

父之役。頓胡沈蔡許之師。大敗于吳。且胡沈之君滅。陳之大夫獲。敗莫重焉。爲誰而敗。楚命之也。吳伐州來。楚遠越來救。帥師殿後。使六國先嘗。六國旣敗。楚師遂奔。不敢與吳接戰。春秋于鷄父之戰。著六國而沒楚。據實而書。所以見六國之愚。楚平之儒也。明年而吳遂滅巢矣。王僚弑。闔閭立。幸吳亂者。將謂國有內難。捷而取之。易于巢。隕諸樊。闔閭戕戴吳也。孰意一舉而滅徐。再舉而伐越。三舉而戰于柏舉。吳遂入郢。闔閭之發憤爲雄。更度越前人哉。吳自魯襄十四年以來。四受楚兵。諸樊餘祭。輕師寡謀。終身邊陲。夷昧

圖治不遽修怨。伺楚平之怠。始滅州來。王僚好鬪。用兵者數銳。然滅巢身雖被弑。國力已振。闔閭滅徐。復除楚輔。蔡侯告困。託義興師。方洋入郢。昭王出走。此一楚也。召陵之師。僅盟屈完。城濮之敗。僅殺得臣。從未有入其都。逐其君者。吳本蠻夷。長驅入郢。誅憑陵之崇。慝洗諸夏之積辱。雖未獻捷。成周攘夷大功。高于桓文遠矣。郢之未入。先滅州來。次滅巢。又次滅徐。楚之藩籬蕩然。盡剪。然後大師奄至。郢遂不守。吳固善戰。未嘗不善謀也。入州來者。滅州來之漸。門巢者。滅巢之漸。以夷猾夏有漸。以夷攻夷亦有漸也。壽夢

諸樊之世。晉屢會吳。會向以後。吳楚交爭。晉不復與吳會。至于黃池。兩霸始列。蓋吳楚未爭。晉欲結吳。拒楚。不容無會。吳楚既爭。晉直以楚委吳。即不會可矣。然悼公憂楚。猶勤會吳。降而平昭。志不在楚。會吳寂如。霸之衰也。每况益下。不可恃也。晉吳之使。不交于途。而季札之聘。忽來于魯。以餘祭中衰之日。反修宗國。聘問之禮。國有賢者。內治未疎。聘魯而魯從。仇楚而楚破。篡弑雖作。勾吳卒興。殆有以夫。

[Faint bleed-through text from the reverse side of the page, including characters like 吳王夫差, 越, and 吳]

夫差

光子定十五年即位
位在二十三年為越滅

哀元左傳

吳王夫差敗越于夫椒報檇李也遂入越越子以甲楯五千保于會稽使大夫種因吳太宰嚭以行成吳子將許之伍員曰不可弗聽三月越及吳平吳入越不書吳不告慶越不告敗也秋八月吳侵陳脩舊怨也吳師在陳子西曰二三子恤不相睦無患吳矣

四年春蔡公孫辰出奔吳

六年春吳伐陳夏叔還會吳于柤

七年夏公會吳于郟

八年春吳伐我

九年左傳

秋吳城邗溝通江淮

冬吳子使來儆師伐

年十春公會吳伐齊三月戊戌齊侯陽生卒

左傳

秋吳子使來復傲師

冬楚公子結帥師伐陳吳救陳

年十一五月公會吳伐齊 甲戌齊國書帥師及吳戰

于艾陵齊師敗績獲齊國書

左傳

吳將伐齊越子率其眾以朝吳人皆喜唯子胥懼諫弗聽使於齊屬其子於鮑氏為王孫氏反役王聞之使賜之屬餼以死

年十二夏公會吳于橐臯

年十三夏公會晉侯及吳子于黃池 於越入吳

左傳

秋七月辛丑盟吳晉爭先

闔閭之入郢夫差之入越皆春秋義戰之善者也經

于入郢美其功大其事柏舉之戰囊瓦之奔既悉書

矣樵李之役勾踐敗吳闔閭傷趾而卒夫差即位卧

薪嘗胆逾年乃報戰于夫椒吳遂入越子復父讐功

高攘夷經竟不書左氏曰吳不告慶越不告敗也然

魯昭五年越始見經楚靈即率之伐吳常壽過儼然

稱人越驟強也晉通吳以制楚楚通越以制吳越在

吳南最為吳患楚子用之吳與楚爭越輒擬其後夷

昧以來吳遂不易報楚矣闔閭圖強奮然伐越治楚

黨也。入郢覆楚。將安中國。於越乘虛入吳。無忌為楚報也。越允常卒。子勾踐立。吳復出師。戰于檣李。雖云玩兵。實繇積憤。使賀戰。勝楚。越定矣。楚越定。則夷狄服。夷狄服。則吳霸。成以之尊。周固同姓也。春秋進霸。亟許齊晉。寧獨外吳。不虞勾踐詐戰。闔閭敗死。吳之讐。越深于楚矣。夫差入越。事當特書。竟以不告之故。削而不錄。為人子者。將無勸乎。及觀越人行成。伍員驟諫。吳子弗聽。釋之歸國。至魯哀十三年。於越入吳。二十年而越滅吳。始知入越之舉。春秋不書。非特為其不告。亦深痛其身得之。身亡之也。唐玄宗削平內

難。致治開元。而天寶縱淫。安史繼亂。崎嶇劔門。身幾不保。李存勗三矢洒恨。掃除偽梁。伶人謀變。尸焚殿。下上觀夫差何相似也。夫差痛父讐而入越。又惑宰嚭而赦越。享國二十餘年。伐陳伐魯。伐齊救陳。國數興。師未嘗一矢臨越。豈惟不讐反親。睨之久而為越所滅。春秋于夫差之世。惟黃池以下。一書於越入吳。餘皆闕焉。意若曰。子見越之入吳。不見吳之入越也。夫椒之師。報越而即忘越。俾越人十年生聚。十年教訓。吳遂沼焉。以此曰報。吾不知其報也。勾踐一於越之君。既殺闔閭。又殺夫差。兼吳而有之。昨命為伯。號

稱霸王其誰成之夫差賜也越大于夫差非感于夫
 差哀公元年之入越吳適自斃而已矣其何書焉魯
 襄二十九年餘祭使季札來聘畏楚偪而通上國近
 于知禮魯安然受之訖乎昭定未有答也哀公立使
 叔還會吳于柤明年公會吳于鄆比年結好求會已
 急欲謀邾也既而入其國俘其君吳遂怒魯興師來
 伐直造國都盟于城下而還未幾復兩會吳伐齊會
 吳者魯伐邾者魯盟吳者魯伐齊者魯三四年間魯
 何善變也即齊悼公為邾子益而來取讎闡曲誠在
 齊亡何來歸齊既知罪憾可釋矣公必結吳伐齊至

艾陵之戰齊師敗績吳獲國書公始快志吳夷也而
 尊之齊匹也而兵之親非所親怨非所怨甚矣公之
 闇也橐臯之會吳求諸侯黃池之會吳先晉軟春秋
 于是惡吳矣會申而楚大會黃池而吳大中國之胥
 而夷也蓋一間耳辰陵蜀申楚雖主盟而晉人不與
 于宋于虢楚雖先晉而晉君不與及乎黃池吳子長
 焉晉定聽焉以大國之體言吳晉並列則兩霸以強
 國之勢言晉從吳後實一霸也楚強之日中國猶有
 霸吳強之日中國竟無霸無王而小雅亡無霸而春
 秋絕經始書吳其一喜一懼乎入州來者入郢之見

端經所喜也。伐郢者黃池之見端。經所懼也。春秋既喜吳之攘楚，又懼吳之先晉于赫然兩霸之日。係以於越入吳之文意，又若曰：夫差而果忘越乎？戰于柏舉而於越入吳，則闔閭不得其死，盟于黃池而於越入吳，則夫差不知所終。雖勾吳國滅，在獲麟絕筆之後，孔子固先憂之矣。哀公無能崇吳以會，啓吳以兵，師日尋齊而越乃投隙人，但知秦吳者越而不知疲吳者魯。史記云：子貢一出，艾陵戰成，存魯亂齊，破吳彊晉而霸越，非無因也。

春秋列國論卷十四終

春秋列國論卷之十五目錄

號

虞

右合論一則

春秋列國論卷之十五目錄

春秋列國論卷十五

明 婁東張溥西銘父著

號

姬姓公爵出自王季子號仲文王弟也仲與號叔
為王卿士勲在王室文王友愛二弟謂之二號武
王克商封仲於弘農陝縣東南之號城今陝州靈
寶縣有號州城周室東遷號公忌父號公林父猶
為天子相謂之西號後為晉滅號叔之國公子譜
云在滎陽謂之東號今河南開封府汜水縣即鄭
虎牢是也傳曰制巖邑也號叔死焉是也為鄭滅

或以爲在鳳翔號縣卽今陝西鳳翔府寶雞東六
十里有號城按史記秦武公十一年滅小號在魯
莊七年豈號叔始封此後東遷制其子孫猶有居
故地者漢志註北號大陽東號在滎陽西號在雍
州然不可考矣

虞

姬姓公爵出自太王子仲雍生季簡季簡生叔達
叔達生周章虞仲及武王克商求太伯仲雍之後
得周章已爲吳君別封其弟虞仲於周之北故夏
墟在河東大陽縣按陝州夏陽有大陽故關而平

陸縣東北六十里有故虞城後虞仲國于吳其支
庶封于此故亦謂之西吳傳十二世爲虞公晉滅
之

隱元左傳

鄭人以王師號師伐衛南鄙

三年左傳

鄭武公莊公爲平王卿士王貳于號鄭伯怨
王王曰無之故周鄭交質王崩周人將畀號
公政周鄭交惡

五年左傳

秋曲沃叛王秋王命號公伐曲沃

八年左傳

夏號公忌父始作卿士于周

十一年左傳

冬十月鄭伯以號師伐宋

桓八左傳

冬王命號仲立晉哀侯之弟緡于晉

九年 左傳 秋虢仲芮伯梁伯荀侯賈伯伐曲沃

十年 左傳 春虢仲諸其大夫詹父於王詹父有辭以王師伐虢夏虢公出奔虞初虞叔有玉虞公求旃弗獻既而悔之乃獻之又求其寶劍叔曰是無厭也無厭將及我遂伐虞公故虞公出奔共池

莊十左傳 王使虢公命曲沃伯以一軍為晉侯

十六年 春虢公晉侯朝王王饗醴命之宥皆賜玉五

十八年 春虢公晉侯朝王王饗醴命之宥皆賜玉五

二十左傳 冬王子頽享五大夫樂及徧舞鄭伯聞之見虢叔曰盍納王乎虢公曰寡人之願也

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

九年 左傳 秋虢仲芮伯梁伯荀侯賈伯伐曲沃

十年 左傳 春虢仲諸其大夫詹父於王詹父有辭以王師伐虢夏虢公出奔虞初虞叔有玉虞公求旃弗獻既而悔之乃獻之又求其寶劍叔曰是無厭也無厭將及我遂伐虞公故虞公出奔共池

莊十左傳 王使虢公命曲沃伯以一軍為晉侯

十六年 春虢公晉侯朝王王饗醴命之宥皆賜玉五

十八年 春虢公晉侯朝王王饗醴命之宥皆賜玉五

二十左傳 冬王子頽享五大夫樂及徧舞鄭伯聞之見虢叔曰盍納王乎虢公曰寡人之願也

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

二十左傳 春晉命於弭夏同伐王城鄭伯將王自圍門

史過狂聞虢請命反曰虢必亡矣虐而聽於神神居莘六月虢公使祝應宗區史囂享焉神賜之士田史囂曰虢其亡乎吾聞之國將與聽於民將亡聽于神神聰明正直而壹者也依人而行虢多涼德其何土之能得

閔二左傳
春虢公敗犬戎於渭汭舟之僑曰無德而祿殃也殃將至矣遂奔晉

僖二
夏虞師晉師滅下陽

說春秋者曰滅虢不書虢公天子三卿夏陽其采地也滅夏陽不言取天子之地非諸侯所得取故變伐取書滅使若國然也滅虞不書執虞公不言以歸惡晉滅寰內諸侯以偪天子為王室諱也然以傳考之

虞國于太陽虢國于夏陽夏陽正在河東太陽之界故國梁子以為虞虢之塞邑非在王畿之內為天子賜邑如酒泉之比也魯隱三年鄭莊公為王卿士王貳于虢鄭伯怨王八年虢公忌父始作卿士于周虢與鄭各有本封云作卿士者以王命入相耳若謂虢公入相夏陽即其采邑豈鄭伯入相溱洧亦鄭采邑乎且王子頹之亂鄭伯胥命于弭鄭伯入圍門虢叔入北門殺頹及五大夫王室乃定賜地予爵禮皆異數既而樊皮叛王王命虢公討之執歸京師天子征伐惟虢是寄鄭亦未敢望也魯莊公十六年王使虢

春秋左傳卷十五
公命曲沃伯以一軍爲晉侯踰年。虢公晉侯朝王。饗
醴。命侑。皆賜玉五穀。馬三匹。又同使原莊公逆王后
于陳。晉獻與虢固相好也。久之。虢公怒晉。一歲二伐。
晉始不堪。乃謀報之。然其時內憑天王。外據夏陽。國
勢方重。雖有神降。莘蓐收告殃。未易圖也。晉謀伐虢。
士薦進計。欲俟其驕而棄民。然後伐之。數年之間。偃
兵不舉。寢不能寐。苟息獻假道之謀。始璧馬往。而夏
陽滅。圖虢固難。非賂虞不可也。虞公好貨。前者求虞
叔之玉。旣獻之矣。又求寶劍。叔遂搆兵。公奔共。池貪
人無厭息所知也。操屈產之乘。垂棘之璧。以請虞。遂

許晉假道。夏陽舉矣。虢之未受晉兵也。敗犬戎于渭
汭。旣亡夏陽也。敗戎于桑田。虢雖失地。尚能一戰。魯
僖五年。再假道焉。火中成軍。童謠克符。晉遂圍夏陽。
而滅虢。虢公醜奔京師。師還館于虞。遂襲虞。滅之。執
虞公及其大夫井伯。或又曰夏陽之滅。晉據而有之
也。虢公奔京師。未嘗執也。經書其重。而云滅。重在地
也。晉雖滅虞。猶歸其職貢于王。虞公雖執。其國尚存。
經書其重。而云執。重在人也。然虞虢自此不見于春
秋矣。其爲人地俱亡無疑也。虢公奔京師。周不能爲
之聲討。晉獻滅虞。云修虞祀。歸職貢。亦名焉而已。齊

春秋列國論卷十五
桓方會首止而天子三公執滅不聞則何以爲諸侯
長也鄭武公握突之興先得號鄆晉獻公詭諸之強
卒并虞號晉鄭大則虞與二號亡亦地勢所必爭乎
號有一舟之僑知號不久棄而適晉虞有一宮之奇
強諫不聽復以族行而晉則士蔦荀息趙夙畢萬多
輔而善謀國之廢興又莫不以人也

春秋列國論卷十五

終

